

左傳

卷四十五至卷四十六



昭公

諸暨圖書館
ZHUJI LIBRARY



諸暨圖書館
— ZHUJI LIBRARY —

00088

朱登圖書
— ZHUJUN LIBRARY —
朱登圖書藏書

88000





諸暨圖書館
— ZHUJI LIBRARY —



諸暨圖書館
— ZHUJI LIBRARY —

春秋左傳註疏卷第四十五

昭九年
十二月
孫武
孫武

晉杜氏註

氏註

唐孔穎達疏

經九年春叔弓會楚子于陳國以事往非行會禮國

國以

事至會禮。正義曰此與宣十五年公孫歸父會楚子于宋其事同也。楚子在彼魯敬大國自往會之非楚子召使會自以小國事大國之禮往。

許遷于夷國許畏鄭欲遷故以自遷為文國

國許畏至為文。○正

義曰許自楚莊王以來世屬於楚常與鄭為仇敵今畏鄭欲遷都近楚楚從其意而遷之故以許自遷為文若許不欲遷而楚強遷之則當云楚人遷許如宋人遷宿齊人遷陽。

夏四月陳災國天火曰災陳既已滅降為楚縣而書陳

災者猶晉之梁山沙鹿崩不書晉災害繫於所災所

害故以所在為名國天火至為名○正義曰天火

梁經皆作陳火公羊傳曰陳已滅矣其言陳火何存

陳也穀梁傳曰國曰災邑曰火火不志此何以志閔

陳而存之也賈服取彼為說言愍陳不與楚故存陳

而書之言陳尚為國也杜以左氏無此義故辨而異

之云陳既已滅降為楚縣不言楚陳災而直書陳災

者猶如晉之梁山沙鹿崩不書也以彼不繫晉知法

自不當繫楚非是存陳如舊國也凡災害所及繫於

所災所害之處故以所在為名不復繫其本國大都

以名通例不繫國陳是楚之大都無緣當繫於楚二

傳妄說故杜不從所災所害者所災謂陳災是也所

害謂梁山沙鹿崩是也然災害繫於所災所害而宣

上六年不直云宣榭火而以宣榭繫成周者以宣榭

其名不顯若不繫成周不知何處宣榭與此別也

秋仲孫矍如齊

矍俱縛反

冬築郎囿

囿音又苑也於郎地築苑

傳九年春叔弓宋華亥鄭游吉衛趙厲會楚子于陳

國 楚子在陳故四國大夫往非盟主所召不行會禮

故不總書

○厲於減反

國

楚子至總書○正義曰往年

親行也既滅陳以為縣楚子自往巡行鎮撫之魯宋鄭衛聞其在陳畏威加敬各遣大夫往彼會之非是盟主所召至亦不行會禮故魯史獨書已使不復總書諸國也傳因叔弓所見故歷序四國大夫以見諸國皆行非獨魯也十年叔孫婣如晉葬晉平公傳因歷序諸國大夫此意與彼同也服虔以為此會宋鄭

衛之大夫不書叔弓後也服見文七年公會諸侯晉大夫盟于扈傳歷序諸國乃云公後至故不書所會凡會諸侯不書所會後也後至不書其國辟不敏也服意準彼為義故云叔弓後耳彼為盟主所召故諱後期此則楚非盟主何以當諱春秋之意豈欲魯棄晉而從楚乃為之諱其會楚遲也且彼不書所會乃總書諸侯此若是會經何以不總書叔弓會諸侯之大夫傳何以不言叔弓會楚子宋華亥鄭游吉衛趙廕于陳也今傳以四國大夫共會楚子義非扈類足以可明且叔弓若後傳當言之傳不言後而服以為後是欲代丘明為傳非解之也故杜顯○二月庚申而異之言不行會禮故不總書見此意

楚公子棄疾遷許于夷實城父
此時改城父為夷

故傳實之城父縣屬譙郡
此時至譙郡○正義曰杜以地名經傳不同

而傳言實者則以為各有改易也傳不言實則以為二名並存也所言實者皆舉舊以實新此地舊名城

父此時新改爲夷然言城父是舊名故傳以實名之
凡有二義經書未改之名傳以所改實明之則昭十
八年許遷于白羽傳云許遷于析實白羽定十年公
會齊侯于夾谷傳云會于祝其實夾谷是也若經書
已改之名則傳亦舉其已改實其未改之號卽此許
遷于夷傳云遷許于夷實城父定十三年齊侯衛侯
次于垂葭傳云次于垂葭實郟氏是也此四者或經
書未改或經書已改傳皆上句舉其已改之名下句
實其未改之號凡一地前後二名者非謂經時爲未
改之名傳時爲已改之名乃於經傳以前上世之時
亦有所改前後之名父子集史記而爲經丘明采簡
牘而作傳史記或書其舊名者卽白羽夾谷是也或
史記書其後名者卽夷與垂葭是也宜明據簡牘爲
傳以所改後名而實之故傳二十五年秦取析矣襄
二十六年聲子云析公之亂皆舉白羽改爲析之後
但簡牘稱析故杜云於傳時白羽改爲析謂簡牘
之時非丘明作傳時也若其不然孔子修經丘明作
傳事相連接時日不遠豈可修經時爲白羽作傳卽

改為析故杜云此四者皆為所在之地舊名絕於當時史記有遺者也劉炫不審思杜意怪僖公襄公之

世已有析名而規杜氏非也取州來淮北之田以益之益許田

田取周玉益之正義曰釋例云州來淮南下蔡縣汝水之南也淮北之田淮水北田則州來邑在淮

南邑民有田在淮北也許國盡遷于夷夷田少故取以益之伍舉授許男田然丹

遷城父人于陳以夷濮西田益之**田**以夷田在濮水

西者與城父人音卜遷方城外人于許**田**成十五年

許遷于蔡因謂之許今許遷於夷故以方城外入實

其處傳言靈王使民不安處昌慮反○周甘人與

晉閻嘉爭閻田**田**甘人甘大夫襄也閻嘉晉閻縣大

夫○閻以
廉反○ 紇為鄒邑之長論語謂孔子為鄒人之

子○是典邑大夫法掌以邑名冠之而稱人知此甘人

即是下文甘大夫襄也甘人是甘縣大夫未知閻嘉是

晉之閻縣大夫名嘉也甘閻○ 晉梁丙張趯率陰戎伐

接竟田或相侵故共爭之○ 王使詹桓伯辭

於晉○ 辭責讓之桓伯周大夫○ 詹之曰我自夏以

后穆魏駘芮岐畢吾西土也○ 在夏世以后穆功受

此五國為西土之長駘在始平武功縣所治釐城岐

在扶風美陽縣西北○ 夏戶雅反註同駘他來反依

長丁丈反下師長同治直吏反釐本○ 在夏至西

春秋左

卷之百一十四

及古

周語云昔我先世后稷以服事虞夏及夏之衰也棄
 稷弗務我先王不窋用失其官按本紀不窋是后稷
 之子繼其父業世為大國故受此五國為西土之長
 也釋例土地名云魏河東北縣也芮馮翊臨晉縣
 芮鄉是也畢在京兆長安縣西北駘在武功岐在美
 陽今按其地芮在魏之西南百餘里耳岐在駘之西
 北無百里也詩稱后稷封郃與岐畢相近為之長可
 矣計魏在郃東六百餘里而令郃國與魏為長道路
 大遙公劉居豳又在岐西北四百餘里此
 傳極言遠竟而辭不及豳並不知其故
及武王克

商蒲姑商奄吾東土也
 樂安博昌縣北有蒲姑城

○蒲如字又音薄
 奄於檢反樂音洛
 及武至東土○正義曰武王克
 地上文既言西土故以下唯說三方其實西方所至
 過於上文自岐以西猶是周竟但不復重言之耳服
 虔云蒲姑商奄濱東海者也蒲姑齊也商奄魯也二
 十年傳曰蒲姑氏因之定四年傳曰因商奄之民命

以伯禽
巴濮楚鄧吾南土也
肅慎燕亳吾北土也
肅

慎北夷在玄菟北二千餘里
巴必加反燕於
巴
濮

至北土○正義曰土地名云巴巴郡江州縣也楚南

郡江陵縣也鄧義陽鄧縣也建寧郡南有濮夷地然

則巴楚鄧中夏之國唯濮為遠夷耳土地名又云燕

國薊縣也亳是小國闕不知所在蓋與燕相近亦是

中國也唯肅慎為遠夷○**肅慎**至餘里○正義曰

書序云成王既伐東夷肅慎來賀魯語云武王克商

肅慎氏貢楛矢韋昭云肅慎東北夷之國去扶餘于

里晉之玄菟即在遼東北杜言玄菟北三千里是北

夷之近東者故杜言**吾何適封之有**
吾

北夷韋言東北夷**吾何適封之有**
吾

邇封之有○正義曰言我**文武成康之建母弟以蕃**

之封疆何近之有邇近也

屏周亦其廢隊是為
為

為後世廢隊兄弟之國當救

濟之○蕃方元反屏必并反隊直
同文武至是為○

仲虢叔王季之穆是文王母弟也管蔡邶霍魯衛毛

聃史記以為武王之母弟也唐叔成王之母弟也其

康王之母弟則書傳無文文王周之始王故言文王

文王未得封諸侯也弟以同母為親故言母弟耳所

封非同母者亦多矣建為國君所以為藩籬屏蔽周

室使與天子蔽鄣患難亦其慮後世子孫或有廢隊

工命望諸侯共救豈如弁髦而因以敝之童子垂

濟之是為此也

髦始冠必三加冠成禮而棄其始冠故言弁髦因以

敝之○弁皮彥反本又作下
同豈如至敝之○正義

之者弁謂緇布冠髦謂童子垂髦凡加冠之禮先用

緇布之冠斂括垂髦二加之後去緇布之冠不復更

用故云因以敝之今王自比豈得將王室如緇布冠

加髦之後不須復用因以敝之猶言以我王家封建

晉國之後因卽棄而不事之也。○童子至冠也。○正義曰按禮未髻之時必垂髦故云童子垂髦也。士冠禮始冠緇布冠次加皮弁次加爵弁是始冠必三加冠也。其記冠義云始冠緇布之冠冠而敝之可也。王藻亦云始冠緇布冠自諸侯下達冠而敝可也。鄭玄云本太古耳未時王之法服也是言本古而暫冠既加而卽棄是禮成而棄其始冠故云弁髦而因以敝之也。弁有爵弁皮弁嫌緇布之冠不得名弁故云弁亦冠也。周禮弁師掌冕是弁爲大名也。劉炫以爲弁髦二物以童子垂髦爲髡被兩髦又云因以敝之者謂親沒不髦按禮加冠以後親沒以前身旣成人猶自垂髦何得云童子垂髦髦旣親沒乃棄杜註何以不言親沒也。若三加之後棄弁不棄髦杜註何得云棄其始冠故言弁髦因以敝之旣連髦而言明非親沒之髦也。髦之形像

先王居檣杙于四裔以禦螭

魁

言檣杙略舉四凶之一下言四裔則三苗在其

中 ○ 檇徒刀反 杙五忽反 喬以制反 禦魚 至其中

呂反 螭救知反 魅本又作魁 武與反 奇 檇 杙 饗 饗 投 諸 四 喬 以 禦 螭 魅 先 儒 皆 以 為 渾 敦 窮

○ 正義曰 文十八年傳 稱舜臣堯流四凶 族渾敦窮 驩兜也 窮奇其工也 檇 杙 鯀 也 饗 饗 三 苗 也 此 傳 以

晉率陰戎伐頰 正須言饗饗耳 而言檇杙者 略舉四

凶之一耳 下言四喬 則三苗在其中可知也 若 故允

直說鯀當言居檇杙于羽山 不須言四喬也

姓之姦居于瓜州 允姓陰戎之祖與三苗俱放三

危者瓜州今敦煌 姦古顏反 瓜古華反 允姓至

義曰 此言主責陰戎知允姓陰戎之祖也 言允姓之

姦者 謂其奸邪之人 惡言之也 尚書云 竄三苗于三

危 此言允姓居于瓜州 時明而伯父惠公歸自秦而

人別知與三苗俱放於三危也

誘以來 僖十五年 晉惠公自秦歸 二十二年 秦晉

遷陸渾之戎於伊川使偪我諸姬入我郊甸則戎焉

取之邑外為郊郊外為甸言戎取周郊甸之地偏

彼力反甸徒遍反則戎焉取之正義曰焉猶何焉於虔反又如字也若不由晉則戎何得取周之

地也邑外至之地正義曰釋地云邑外為之郊周禮載師掌任土之法其敘王畿之內遠近之次

自國中以外有近郊遠郊次甸次稍次縣次都是郊外為甸也陸渾之戎居伊洛之間是取周郊甸之地

戎有中國誰之咎也咎在晉九反咎其后稷封殖天

下今戎制之不亦難乎后稷修封疆殖五穀今戎

得之唯以畜牧殖時力反疆居良反畜許又反一音許六反收音目又音茂伯父

圖之我在伯父猶衣服之有冠冕木水之有本原民

人之有謀主也

國民人謀主宗族之師長

國我在至主也○

正義曰言我周存在於伯父有益如衣服云云

伯父若裂冠毀冕拔本塞原

專棄謀主雖戎狄其何有余一人

國伯父猶然則雖

戎狄無所可責晉率陰戎伐周邑故云然

國雖戎至一人○

正義曰言伯父我親猶自如此則雖戎狄其何有恩義於我一人既無恩親侵我亦無可責

叔向

謂宣子曰文之伯也豈能改物

國言文公雖霸未能

改正朔易服色

○伯如字又音霸

翼戴天子而加之以共

國

翼佐也自文以來世有衰德而暴滅宗周

國宗周天

子以宣示其侈諸侯之貳不亦宜乎且王辭直子其

圖之宣子說王有姻喪

外親之喪

○說音悅王有姻喪

義曰隱元年傳云士踰月外姻至姻是外親故杜云

外親之喪也服虔云婦之父曰姻王之后喪父於王

亦有服義故往弔按妻父為姻雖有此稱王之納后

必取諸侯之女后之父母不得身在京師往弔可耳

何以得致禭也以致禭言之知是使趙成如周弔且

外親之喪耳不知外親喪是誰死

致閭田與禭○禭音遂反穎俘王亦使

賓滑執甘大夫襄以說於晉晉人禮而歸之○賓滑

周大夫○俘方夫反滑呼八反又夏四月陳災鄭

裨竈曰五年陳將復封封五十二年而遂亡子產問

其故對曰陳水屬也○陳顓頊之後故為水屬復

○復扶又

春秋左

卷之百五十八

及古

反下註復 **☵** 陳水屬 ○正義曰陳顓頊之後顓頊以封皆同 **☵** 水德王天下故為水屬也陳是舜後舜

為土德不近言土屬而遠繫顓頊為水屬者蓋禪竈知陳將欲復興須取水為占驗假此以為言耳未必

帝王子孫永與所承同德楚之先世嘗為火官即以火為楚象豈復五行之官後世皆依其行乎此皆賢

哲有以知之 **☵** 火水妃也 **☵** 火畏水故為之妃 ○妃方非吾徒所測

音配 **☵** 火畏至之妃 ○正義曰陰陽之書有五行註同 **☵** 妃合之說甲乙木也丙丁火也戊巳土也庚

辛金也壬癸水也木克土土克水水克火火克金金克木木畏金以乙為庚妃也金畏火以辛為丙妃也

火畏水以丁為壬妃也水畏土以癸為戊妃也土畏水以巳為甲妃也杜用此說故云火畏水故為之妃

也服虔云火離也水坎也易卦離 **☲** 而楚所相也 **☵** 相為中女坎為中男故火為水也

治也楚之先祝融為高辛氏火正主治火事 ○相息亮反註

同正相治至火事○正義曰相訓助也主火而助

正君為治故以為治也二十九年傳曰火正曰祝

融顓頊氏有子曰犁為祝融楚世家云高陽生稱稱

生卷章卷章生犁犁為高辛氏火正甚有功能光融

天下帝嚳命曰祝融共工作亂帝使黎誅之而不盡

帝誅黎而以其弟吳回為後復居火正為祝融回生

陸終陸終生子六人六曰季連楚今火出而火陳

其後也是楚之先為火正治火事正

火心星也火出於周為五月而以四月出者以長歷

推前年誤置閏正傳曰火心至置閏○正義曰襄九年

於周為五月今經書四月陳災傳言火出而火陳火

得以四月出者長歷云閏當在此年五月後而在前

年故火以四月出也長歷以為前年閏八月則此年

四月五日得中氣二十日得五月節故四月得火見

逐楚而建陳也正水得妃而興陳興則楚衰故曰逐

楚而建陳

邑

水得至建陳。正義曰：杜以陳為楚邑，楚人在陳，陳與則楚衰，故曰逐楚而

建陳當為逐去楚人之在陳者，穿封戌為陳公者也。但歐逐楚國之人於義甚通。劉炫乃改逐為遁，言

火逃遁去楚而建立陳國而規杜非也。

妃以五成故曰五年

國 妃合也

五行各相妃合得五而成，故五歲而陳復封為十三

年。陳侯吳歸于陳傳。

國 妃音配

正義曰：妃合至陳傳。註：妃並同。正義曰：妃合釋註。

文也。易繫辭云：天一地二天三地四地五地六天七

地八天九地十。天數五，地數五，五位相得而各有合。

鄭玄云：天地之氣各有五，五行之次。一曰水，天數也。

二曰火，地數也。三曰木，天數也。四曰金，地數也。五曰

土，天數也。此五者陰無匹，陽無耦，故又合之地。六為

天一匹也。天七為地二耦也。地八為天三匹也。天九

為地四耦也。地十為天五匹也。五陰陽各有合，然

後氣相得，施化行也。是言五行各相妃合，生數以上。

皆得五而成故云
五歲而陳將復封
歲五及鶉火而後陳卒亡楚克有

之天之道也故曰五十二年
是歲歲在星紀五歲

及大梁而陳復封有大梁四歲而及鶉火後四周四

十八歲凡五及鶉火五十二年天數以五為紀故五

及鶉火火盛水衰
是歲至水衰○正義曰如杜

三十二年則歲星在寅未至於丑其傳云越得歲而
吳伐之故服氏以為有事于武宮之歲龍度天門謂

十五年歲星從申越未而至于午曆家以周天十二次
次別為百四十四分歲星每年行一百四十五分是

歲星行一次外剩行一分積一百四十四年乃剩行
一次故昭十五年得超一辰今杜氏既無此義而三

十二年歲星得在丑者但歲星之行天之常數超辰
之義不言自顯故杜不註若然楚卒城陳在哀十七

年則歲星當逾鶉火至鶉尾而云五及鶉火者以顯
 頊歲在鶉火而滅故裨竈舉大略而言云五及鶉火
 不復細言殘數雖至鶉尾亦經由鶉火天有五星又
 大微宮中有五帝坐又四方中央亦有五是天數以
 五為紀故五及鶉火也歲星天之貴神所在之國
 必昌歲在鶉火火得歲星之助火所盛而水則衰○

晉荀盈如齊逆女自為逆還六月卒于戲

陽魏郡內黃縣北有戲陽城殯于絳未葬

晉侯飲酒樂饕宰屠蒯趨入請佐公使尊公之使

人執尊酌酒請為之佐樂音洛屠音徒禮記作杜蒯苦怪反使尊如字亦所吏

反許之公許之而遂酌以飲工樂師師曠也

○飲於煬反工樂師師曠也○正義曰禮記檀弓又飲同王樂師師曠也○正義曰禮記檀弓說此事云知悼子卒未葬平公飲

酒師曠李調侍知工即師曠也外嬖叔即李調也
曰女為君耳將師聰也

樂所以聰耳女音汝樂所以聰耳正義曰
下皆同樂以和心聲從耳入故樂

者所以聰耳大師掌樂務使君聰故為君耳將師聰也
辰在子卯謂之疾日

疾惡也紂以甲子喪桀以乙卯亡故國君以為忌日

○喪息疾惡至忌日○正義曰訓疾為惡言王浪反者惡此日不以舉吉事也尚書武成篇云

時甲子昧爽受率其旅若林會于牧野罔有敵于我師前徒倒戈攻于後以北血流漂杵是紂以甲子喪

也詩云韋顧既伐昆吾夏桀言昆吾與桀同時死也十八年傳二月乙卯周毛得殺毛伯過而代之萇弘

曰毛得必亡是昆吾稔之日也昆吾之死與桀同日知桀以乙卯亡也以此二王之亡為天誅之日故國

君以為忌日惡此日也檀弓云君子有終身之憂故忌日不樂鄭玄云謂死日也彼謂親亡之日至此日

而念親故此日不用舉吉事非是
惡此日也此與忌日名同意異
君徹宴樂學人舍

業為疾故也君之卿佐是為股肱股肱或虧何痛如

之言痛疾過於忌日為反下為是同女弗聞而樂

是不聰也不聞是義而作樂又飲外嬖嬖叔外

都大夫之嬖者外都至嬖者正義曰此言外

君之嬖臣也既云嬖臣而謂之外嬖知是外都大
夫之嬖者猶晉獻公時有外嬖梁伍東關嬖伍

女為君目將司明也職為外故主視服以旌禮

旌表也禮以行事事政令事有其物物類也物

有其容容貌也今君之容非其物也有卿佐之

喪而作樂歡會故曰非其物而女不見是不明也亦

自飲也曰味以行氣氣以實志國氣和則志充碗以服

至不明。正義曰吉有弁冕凶有衰麻禮有吉凶之

異作衣服以表之如此之類是服以旌禮也周禮司

服六冕以祭祀皮弁以視朝韋弁以即戎冠弁以田

獵如此之類是禮以行事也傳稱哀有哭泣樂有歌

舞如此之類是事有其物言行事各有其物類也記

稱衰麻則有哀色端冕則有敬色介冑則有不可犯

之色周禮保氏教國子六儀一曰祭祀之容二曰賓

客之容三曰朝廷之容四曰喪紀之容五曰軍旅之

容六曰車馬之容少儀曰言語之美穆穆皇皇朝廷

之美濟濟翔翔祭祀之美齊齊皇皇車馬之美駢駢

翼翼鸞和之美肅肅雍雍如此之類是物有其容也

君有卿佐之喪宜有悲哀之貌而與羣臣飲酒作樂

今君之容貌非其類也志以定言國在心為志發口

而女不見是不明也

為言言以出令臣實司味二御失官而君弗命臣之

罪也

國

工與嬖叔侍御君者失官不聰明

國

味以至罪也○

正義曰調和飲食之味以養人所以行人氣也氣得和順所以充人志也志意充滿慮之於心所以定言語也詳審言語宣之於口所以出號令也臣實主掌食味今工師不聰叔也不明二侍御者並失其官而君不出令以罪之必是

立其外嬖為是悛而止

○說音悅知音智

國

公說至而止○

正義曰公心欲廢知氏故輕悼子之喪不廢飲酒得蒯以禮責之乃知君臣義重其禮不可徹廢為是悛而止悛改也改革前意也禮記記此事飲酒事同而其言盡別記是傳聞故與此異二者必有一謬當傳實而記

秋八月使荀躒佐下軍以說焉

國

躒荀盈之

子知文子也佐下軍代父也說自解說

○躒本又作
櫟力狄反又

又洛 ○孟僖子如齊殷聘禮也

自叔老聘齊至今二

十年禮意久曠今修盛聘以無忘舊好故曰禮

○好
呼報

反

自叔至曰禮

○正義曰襄二十年叔老聘齊
至今二十年更不遣聘是邦交禮意久曠絕也

殷訓盛也今修盛聘以無忘舊好故禮之也聘禮云

小聘曰問不享有獻不及夫人主人不延几不郊勞

然則聘禮經之所言是大聘也王制云諸侯之於天

子也比年一小聘二年一大聘鄭玄云小聘使大夫

大聘使卿聘禮既是大聘使卿矣殷聘又當盛

於大聘不知以何為盛或當享禮之物多矣 ○冬

築郎圍書時也季平子欲其速成也叔孫昭子曰詩

曰經始勿亟庶民子來

詩大雅言文王始經營靈

臺非急疾之衆民自以子義來勸樂爲之

○巫紀力反樂如字

又五教反

國詩曰至子來○正義曰大雅靈臺之篇

一音洛

急成之但其衆民自以子成父事而來勸樂而早成

之耳子成父事不待督帥故云子來以示民樂之意

焉用速成其以勸民也

國勸勞也○焉於虔反勸初交反又子小反

無囿猶可無民其可乎

經十年春王正月

夏齊樂施來奔

國嗜酒好內以取敗亡故書名

○嗜市志反傳

同好呼報反

秋七月季孫意如叔弓仲孫矍帥師伐莒

國大夫皆

卿故書之季孫為主二子從之

○三大至從之○正義曰成二年筆

之戰魯四卿並書此三卿皆書重兵詳內故備書之
其他國行兵唯書元帥而已略外也傳云平子伐莒
取鄭平丘又獨見執明是季孫為伐莒之主二子從之

戊子晉侯彪卒

○五同盟○彪彼
蚪反

九月叔孫婁如晉

葬晉平公

○三月而葬速

十有二月甲子宋公成卒

○十一同盟也無冬史闕文

○成音城**○**五同盟○正義曰彪以襄十六年即

何休音恤**○**位其年盟于溴梁十九年于祝柯二十

年于澶淵二十五年于重丘二十七年于宋不數元

年號會是五同盟**○**十一同盟○正義曰成以成

春秋

卷一百五十四

及古

十六年卽位十七年盟于柯陵十八年于虛杅襄三
 年于雞澤五年于戚九年于戲十一年于亳城北十
 五年及向戌盟于劉十六年于溴梁十九年于祝柯
 二十年于澶淵二十五年于重丘二十七年于宋元
 年于號皆魯宋俱在凡十三同盟杜意盟數多者不
 數特盟襄十五年向戌盟于劉及號盟不數故十一
 劉炫并數以規杜過非也如此數盟不同者或可傳寫誤

傳十年春王正月有星出于婺女國客星也不書非

李○葵武付反鄭裨竈言於子產曰七月戊子晉君

將死今茲歲在顓頊之虛國歲歲星也顓頊之虛謂

玄枵○裨婢支反虛起魚日釋天云玄枵虛也顓

頊之虛虛也郭璞曰虛在正北顓頊水德位在北方
 當以北方三次以玄枵爲中玄枵次有三宿又虛在

其中以北顛項居之故
謂玄枵虛星為顛項之虛也

姜氏任氏實守其地

國 姜齊姓任薛姓齊薛二國守玄枵之地

○任音壬註同

居

其維首而有妖星焉告邑姜也

國 客星居玄枵之維

首邑姜齊大公女晉唐叔之母星占嫠女為既嫁之

女織女謂處女邑姜齊之既嫁女妖星在嫠女齊得

歲故知禍歸邑姜

○大音泰

國 居其至姜也○正義曰維者綱也玄枵次有三宿女

為其初女是次之綱維也居其維首謂星居之也其
玄枵維首而有妖異之星焉以將死之妖告邑姜也

邑姜齊女告邑姜言其子孫當死也

邑姜晉之妣也天以七紀

國 二十

八宿面七

○妣必履反宿音秀

國 邑姜晉之妣也○正義曰曲禮云生日母死曰妣鄭玄云

妣之言媿媿於考也邑姜唐叔之母故為晉之妣也
邑姜亦是成王之母而於周無災任姜其守其地而
不告薛女此則禪竈
自知非吾徒所能測
戊子逢公以登星斯於是乎出

逢公殷諸侯居齊地者逢公將死妖星出葵女時

非歲星所在故齊自當禍而以戊子曰卒
戊子至

正義曰昔戊子之日逢公死其神以此日登天於時
有星是此星也於是葵女乎出爾時妖星出於葵女
而戊子逢公死今此星亦出葵女知戊子晉君當死
也逢公死日星出葵女當時猶有書記故禪竈得而
知之。**逢**公至日卒。正義曰二十年晏子說齊
地云有逢伯陵因之則陵是逢君之始祖也周語說
玄枵之女云我皇妣大姜之姪伯陵之後逢公之所
馮神也孔晁云大姜大王之妃王季之母也女子謂
昆弟之子曰姪伯陵大姜之祖逢公大姜之姪伯陵
之後逢公殷諸侯也然則伯陵之後世為逢君皆是

公謂趙子文云吾與子弁冕端委哀七年傳云大伯
端委以治周禮則端委是在公之服故云朝服鄭玄
云諸侯與其臣皮弁以視朔朝服以視
朝其朝服玄冠緇布衣素積以為裳也

四族召之無

所往

四族樂高陳鮑其徒曰助陳鮑乎曰何善焉

言無善義可助助樂高乎曰庸愈乎

罪惡不差

於陳鮑

○差初賣反

然則歸乎曰君伐焉歸公召之而後

入公卜使王黑以靈姑鉞率吉請斷三尺焉而用之

王黑齊大夫靈姑鉞公旗各斷三尺不敢與君同

○鉞扶眉反又音平率所律反徐所類反斷丁管反註同

公卜至用之○正義曰公卜卜與樂高戰

也靈姑鉞者齊侯旌旗之名卜使王黑以此靈姑鉞
之旗率人以戰得吉也禮諸侯當建交龍之旂此靈

姑鉞盖是交龍之旂當時為之名其義不可知也知是旗者以請斷三尺而用之故知是旗 **五月**

庚辰戰于稷 **稷** 祀后稷之處 ○稷地名六國時齊有稷下館處昌慮反

樂高敗又敗諸莊 **莊** 六軌之道 ○正義曰釋宮

云六達謂之莊舊說皆云六道旁出杜皆以一達為一軌 **國人追之又敗諸鹿門**

鹿門 齊城門 **樂施** 高強來奔 **高強** 不書非卿 **陳**

鮑分其室 晏子謂桓子必致諸公讓德之主也讓之

謂懿德凡有血氣皆有爭心故利不可強 **不可強**

取 ○爭爭鬪之爭強其丈反註同 **思義為愈義利之本也** **蘊利生孽**

姑使無蘊乎 **蘊** 畜也孽妖害也 ○蘊紆粉反孽魚列反畜救六反

可以滋長桓子盡致諸公而請老于莒莒齊邑長

丁丈桓子召子山子山子商子周襄三十一年子

尾所逐羣公子私具幄幕器用從者之衣履私具

不告公幄於音反幕音莫而反棘焉棘子山故

邑齊國西安縣東有戟里亭子商亦如之而反其邑

子周亦如之而與之夫子子周本無邑故更與之

濟南於陵縣西北有于亭反子城子公公孫捷三

子八年子旗所逐而皆益其祿凡公子公孫之無祿

者私分之邑桓子以已邑分之國之貧約孤寡者

私與之粟曰詩云陳錫載周能施也詩大雅言文

王能布陳大利以賜天下行之周徧載如字詩作哉毛云哉載也

鄭云始也施始政桓公是以霸齊桓公亦能施以

政霸既私施與又言已施之意大雅文王之篇錫

賜載行周徧也言文王能布陳大利以賜天下行之

周徧此言文王之能施也桓公亦用此能霸諸侯焉

得不務施乎言已多施為此也公與桓子莒之旁邑辭讓不受穆

孟姬為之請高唐陳氏始大穆孟姬景公母傳言

陳氏所以興偽為于反○秋七月平子伐莒取鄭鄭

莒邑取鄭不書公見討於平丘魯諱之鄭古獻俘

始用人於亳社

以人祭殷社

○俘芳夫反 亳步洛反

臧武仲

在齊聞之曰周公其不饗魯祭乎周公饗義魯無義

詩曰德音孔昭視民不佻

詩小雅佻偷也言明德

君子必愛民

○視如字詩作示佻他彫反

佻之謂甚矣而壹用之

將誰福哉

壹同也同人於畜牲

○畜許又反

詩曰至福哉○

正義曰小雅鹿鳴之篇也孔甚昭明佻偷也言君子之人為賓客德音甚明其視下民不偷薄苟且也偷之已謂甚矣而一同畜牲用之將誰肯福祐之哉佻偷釋言文李巡曰佻偷薄之偷也孫炎曰偷苟且也

○戊子晉平公卒

如禪竈之言

鄭伯如晉及河晉

人辭之游吉遂如晉

禮諸侯不相弔故辭

九月叔

孫婣齊國弱宋華定衛北宮喜鄭罕虎許人曹人莒

人邾人薛人杞人小邾人如晉葬平公也

諸侯大夫者非盟會鄭子皮將以幣行

贄○見賢遍反下不得見下因見同贄音至子產曰喪焉用幣用幣必百

兩○馬於虔反載幣用車百乘○正義曰尚書武王戎車

三百兩孔安國云兵車稱兩百兩必千人千人至將不行

也不行必盡用之○費不得見新君將自費用盡○芳味

幾千人而國不亡○幾言千人之費不可數○居豈

子皮固請以行既葬諸侯之大夫欲因見新

反下

反數所

反

君叔孫昭子曰非禮也弗聽叔向辭之曰大夫之事

畢矣註送葬禮畢而又命孤孤斬焉在衰經之中註

既葬未卒哭故猶服斬衰○衰七雷反其以嘉服見

則喪禮未畢其以喪服見是重受弔也大夫將知之

何皆無辭以見子皮盡用其幣歸謂子羽曰非知之

實難將在行之註言不患不知患不能行○嘉服見

遍反下同重直用反夫子知之矣我則不足註言已

由子產之戒既知其不可而遂行之是我之不足註

非知至不足○正義曰尚書說命云非知之艱行之

也言子產語已巳既知之知而不行所以自悔夫書
子子產知之矣知喪不用幣也我則知不足矣

曰欲敗度縱敗禮國逸書○敗必邁國書曰至敗禮○正義曰尚

書大甲篇也孔傳云言已放縱情欲毀敗禮儀法度我之謂矣夫子知度與禮

矣我實縱欲而不能自克也國欲因喪以慶新君故

縱而行之不能自勝音升昭子至自晉大夫皆見高

疆見而退國高疆子良昭子語諸大夫曰為人子不

可不慎也哉昔慶封亡子尾多受邑而稍致諸君君

以為忠而甚寵之將死疾于公宮國在公宮被疾語

魚據反輦而歸君親推之國推其車而送之○推如字又他回反

註同 其子不能任是以在此忠為令德其子弗能任罪

猶及之難不慎也喪夫人之力棄德曠宗以及其身

不亦害乎同夫人謂子尾曠空也○任音壬下同喪息浪反夫音扶註

同難不慎○正義曰言人居其難可不謹慎詩曰不自我先不自我後

其是之謂乎同詩小雅言禍亂不在他正當已身以

喻高彊身自取此禍同詩曰至我後○正義曰正月大夫刺幽王也云父母生我

胡俾我瘵不自我先不自我後註云父母謂文武也

天使父母生我何故不長遂我而使我遭此暴虐之政而病此何不出我之前居我之後窮苦之情苟欲免身○冬十二月宋平公卒

初元公惡寺人柳欲殺之同元公平公大子佐也○惡

鳥路反寺

又作侍

元平○正義曰諡法內外賓服曰平

及喪

柳熾炭于位

以温地

○熾赤志反炭吐旦反

將至則去之

元

使公坐其處

○去起呂反處昌慮反

比葬又有寵

元

言元公好

惡無常

○比必利反好呼報反惡鳥路反

經十有一年春王二月叔弓如宋

葬宋平公

夏四月丁巳楚子虔誘蔡侯般殺之于申

元

蔡侯雖弑

父而立楚子誘而殺之刑其羣士蔡大夫深怨故以

楚子各告

○虔其連反般音班弑申志反傳放此

元

正義曰蔡侯至各告○

父而立實宜受討但立為君于蔡已十三年楚子誘而殺之又刑其羣士不以殺父之罪討之蔡大夫深怨楚子故以楚子名赴告禮諸侯不生名書各是罪絕之事以其名告欲使諸國之史書各以罪絕之也若是楚告不當自罪其君知是蔡人

楚公子棄疾帥

師圍蔡

五月甲申夫人歸氏薨

昭公母胡女歸姓

大蒐于比蒲

仲孫貜會邾子盟于禚祥

禚祥地闕

○比音毗徐扶夷反禚子鳩反

徐又七林反

秋季孫意如會晉韓起齊國弱宋華亥衛北宮佗鄭罕

鳥路反寺
又作侍

元

平○正義曰諡法內外賓服曰平

及喪

柳熾炭于位

元

以温地

○熾赤志反
炭吐旦反

將至則去之

元

使公坐其處

○去起呂反
處昌慮反

比葬又有寵

元

言元公好

惡無常

○比必利反好呼
報反惡鳥路反

經十有一年春王二月叔弓如宋

葬宋平公

夏四月丁巳楚子虔誘蔡侯般殺之于申

元

蔡侯雖弑

父而立楚子誘而殺之刑其羣士蔡大夫深怨故以

楚子各告

○虔其連反般音班
弑申志反傳放此

元

正義曰蔡侯雖弑

父而立實宜受討但立為君于蔡已十三年楚子誘而殺之又刑其羣士不以殺父之罪討之蔡大夫深怨楚子故以楚子名赴告禮諸侯不生名書各是罪絕之事以其名告欲使諸國之史書各以罪絕之也若是楚告不當自罪其君知是蔡人

師圍蔡

五月甲申夫人歸氏薨

昭

昭公母胡女歸姓

大蒐于比蒲

仲孫貜會邾子盟于祿祥

祿

祿祥地闕

○比音毗徐扶夷反祿子鳩反

徐又七
林反

秋季孫意如會晉韓起齊國弱宋華亥衛北宮佗鄭罕

虎曹人杞人于厥愁

國厥愁地闕

○作徒河反愁魚
斬反徐五中反一

音五
轄反

九月己亥葬我小君齊歸

國齊諡

○齊
如字

冬十有一月丁酉楚師滅蔡執蔡世子有以歸用之

國

用之殺以祭山

國

蔡世子○正義曰父既死矣猶稱
世子者君死而國被圍未暇以禮

即位故國
以世子告

傳十一年春王二月叔弓如宋葬平公也

國

嫌以聘

事行故傳具之○景王問於萇弘曰今茲諸侯何實

吉何實凶

國

萇弘周大夫

○萇直
良反

對曰蔡凶此蔡侯

般弑其君之歲也歲在豕韋襄三十年蔡世子般

弑其君歲在豕韋至今十三歲歲復在豕韋般即靈

侯也

○復扶又反下歲復在同

弗過此矣

言蔡凶不過此年楚

將有之然壅也蔡近楚故知楚將有之楚無德而

享大利所以壅積其惡

○壅於勇反註及後同近附近之近下同

歲及大

梁蔡復楚凶天之道也楚靈王弑立之歲歲在大

梁到昭十三年歲復在大楚美惡周必復故知楚凶

楚子在申召蔡靈侯靈侯將往蔡大夫曰王貪而無

信唯蔡於感蔡近楚之大國故楚常恨其不服順

○於感今幣重而言甘誘我也不如無往蔡侯不可

五月丙申楚子伏甲而饗蔡侯於申醉而執之夏四

月丁巳殺之刑其士七十人公子棄疾帥師圍蔡

傳言楚子無道○重直韓宣子問於叔向曰楚其克

乎對曰克哉蔡侯獲罪於其君謂弑父而立而不

能其民不能施德天將假手於楚以斃之借楚

手以討蔡○斃婢何故不克然盱聞之不信以幸不

可討也楚王奉孫吳以討於陳曰將定而國陳人聽

命而遂縣之事在八年今又誘蔡而殺其君以圍

其國雖幸而克必受其咎弗能久矣桀克有緡以喪

其國紂克東夷而隕其身國紂為黎之蒐東夷叛之

桀為仍之會有緡叛之故伐而克之息浪反下且喪

君同隕桀克至其身正義曰桀身奔南巢故于敏反國也紂首縣白旗故云隕身也楚

小位下而亟暴於二王能無咎乎天之假助不善非

祚之也厚其凶惡而降之罰也且譬之如天其有五

材而將用之力盡而敝之是以無拯不可沒振國金

木水火土五者為物用久則必有敝盡則棄捐故

言無拯猶救助也不可沒振猶沒不可復振○亟

欺冀

反數也咎其又反下同祚木又作酢在路反拯拯濟
 之拯註同振之慎反捐以專反救本亦作掾音救不
 可復振扶又反楚小至咎乎○正義曰亟數也比
 本或作沒振於桀紂則楚小位下而數行暴虐
 甚於桀紂二王能無咎惡乎○是以至沒振○正義
 曰拯音丞之上聲也方言云出溺為拯拯是救助之
 義天之用楚如人用五材力盡而敝敝則棄之是以
 無救助之者拯是救溺之名遂以救溺為喻也不可
 沈沒之後復振救之振亦救也言楚如沒水不可救
 也○水木至棄捐○正義曰金木水火土五者之材
 皆為物用用久則必敝盡敝盡則棄捐
 之捐亦棄也言天之用楚亦如此也 ○五月齊歸

薨大蒐于比蒲非禮也○孟僖子會邾莊公盟于禮

祥修好禮也國蒐非存亡之由故臨喪不宜為之盟

會以安社稷故喪盟謂之禮○好呼泉丘人有女夢

報反

以其帷幕孟氏之廟

泉丘魯邑 ○夢以其帷位悲反一本作夢以帷

幕音莫遂奔僖子其僚從之

僖子○僚力彫反盟于清丘之社曰有子無相棄也

女自共盟僖子使助遠氏之適

女為僖子副妾別居在外故僖子納泉丘人女令副

助之○遠為彼反本又作薦遠本又作造初

又反說文造從升倅七對反令力呈反

助之○正義曰禮有副車倅車皆謂副貳之車也造亦副倅之意妻為正適妾為副貳遠氏之女先為副

貳別居在外故使泉丘人女與之聚居令副助而為對偶之反自稜祥宿于遠氏

生懿子及南宮敬叔於泉丘人其僚無子使字敬叔

生

字養也似雙生

○生如字或一音所敬反

國

於泉丘人○正義曰以傳直云宿於

遠氏即連言生懿子及南宮敬叔謂遠氏所生故傳

顯云生懿子及南宮敬叔於泉丘人於泉丘人宜上

讀為句

○楚師在蔡

國向四月之

讀○向本又作彘亦作向同許亮反

晉荀吳謂韓宣子曰不能救陳又不能救蔡物以無

親

國物事也

國

物以無親○正義曰物事也事事如此以是故無人肯親我晉國

晉

之不能亦可知也已為盟主而不恤亡國將焉用之

○將焉於虔反

○秋會于厥憇謀救蔡也

國

不書救蔡不果

救蔡鄭子皮將行子產曰行不遠不能救蔡也蔡小

而不順楚大而不德天將棄蔡以壅楚盈而罰之

國

盈楚惡蔡必亡矣且喪君而能守者鮮矣三年王其

有咎乎美惡周必復王惡周矣國元年楚子弑君而

立歲為大梁後二年十三歲歲星周復於大梁鮮

反復於扶反一本又作復在晉人使狐父請蔡于楚弗許國狐父

晉大夫音胡○單子會韓宣子于戚國單子單成公

視下言徐叔向曰單子其將死乎朝有著定國著定

朝內列位常處謂之表著國著張慮反徐治居反國

國著定至表著○正義曰著定謂佇立定處故謂朝內列位常處也周禮司士正朝儀之位辨其貴賤之等王南鄉三公北面東上狐東面北上卿大夫西面北上王族故士虎士在路門之右南面東上大僕大

右大僕從者在路門之左南面西上鄭玄云此王日
 視朝事於路門外之位此是朝上之位貴賤有定處
 也會有表亦是位之定處但著下言定則表亦是定
 故直言會有表耳俗本表下有旗謬也野會設表為
 位亦當有物記處如今之位版也謂之表著者杜意
 當以下文表著之位謂此也劉炫謂下文有著有表
 一文不同以著定為朝有著不得謂之表著而規杜
 氏今知非者杜意當以下文會朝之言必聞於表著
 故於朝有著之文并探下文會有表以配著故云謂
 之表著所以覆結下文非謂著之一字即名表著也
 劉炫不達杜旨

會有表 **野**會設表以為位 **野**會至

而為規過非也

為位○正義曰禮諸侯建旂設旂以為表也周禮司
 儀云將合諸侯則令為壇三成宮旁一門觀禮云諸
 侯觀于天子為宮方三百步四門壇十有二尋深四
 尺上介皆奉其君之旂置于宮尚左公侯伯子男皆
 就其旂而立鄭玄云置于宮者建之豫為其君見王
 之位也諸公中階之前北面東上諸侯東階之東西

面北上諸伯西階之西東面北上諸子門東北面東
上諸男門西北面東上尚左者建旂公東上侯先西
伯先子子先男而位皆上東方也諸侯入墮門或左
或右各就其旂而立王降階南鄉見之是天子於野
會諸侯設表以為位也周禮大司馬中冬教大閱門
立四表是以設表為位也盟主之會諸侯必亦旂表
位大夫聚會亦應有以表位但無文以言耳

衣有禮帶有結

禮領會結

帶結也

○禮古外反說文云帶所結也

會朝之言必聞于表著之位

所以昭事序也視不過結禮之中所以道容貌也言

以命之容貌以明之失則有闕今畢子為王官伯而

命事於會視不登帶言不過步貌不道容而言不昭

矣不道不共不昭不從

貌正曰共言順曰從

○道音導

下同言不過步。正義曰：言聲所聞不過一步。○同貌正曰從。正義曰：洪範五事貌曰恭，言曰從。

其意曰：容貌當恭恪，言是則無守氣矣。同為此年冬

單子卒起本同無守氣。正義曰：言無守身之氣，將必死。○九月葬齊歸

公不感晉士之送葬者，歸以語史趙。史趙曰：必為魯

郊同言昭公必出在郊野，不能有國。同語魚同晉士

郊。正義曰：傳稱文襄之制，夫人喪士弔大夫送葬。此言晉士送葬者，蓋大夫來而士為介，未必士獨行。

也。此士以公不感語史趙，故特言士耳。必侍者曰：何為魯郊言昭公必為魯人所逐而出在郊。

故曰：歸姓也不思親，祖不歸也。同姓生也。言不思親

則不為祖考所歸祐。同叔向曰：魯公室其卑乎？君

有大喪國不廢蒐謂蒐比蒲有三年之喪而無一

日之感國不恤喪不忌君也畏忌也君無感容不

顧親也國不忌君君不顧親能無卑乎殆其失國國

為二十五年公孫於齊傳冬十一月楚子滅蔡用

隱大子于岡山蔡靈公之太子蔡侯廬之父音岡

廬力用隱大子于岡山正義曰此時楚以畜牲

吳反用之無人為之作諡必是蔡侯廬歸國乃追

諡其父為隱耳釋例上地名岡山闕不知其處經言以歸用之必是楚地山也申無宇曰不

祥五牲不相為用況用諸侯乎五牲牛羊豕犬雞

○為于偽况用諸侯○正義曰世子雖未即位以

反或如字其父既死則當君處故以諸侯言之甚

之也。○**五牲**至犬雞。○正義曰爾雅以此五者并馬為六畜。周禮謂之六牲。但馬非常祭所用。故去馬而以此五者當之。**王必悔之**。○悔為暴虐。○十二月單成公

卒。終叔向之言。○**楚子城陳蔡不羹**。襄城縣東

南有不羹城。定陵西北有不羹亭。○**羹**舊音郎。漢書地理志作更字。

不羹。○正義曰古者羹臠之字音亦為郎。故魯頌閟宮楚辭招魂與史游急就篇羹與房漿糠為韻。

但近世以來獨以**使棄疾為蔡公**。王問於申無宇曰此地音為郎耳。

棄疾在蔡何如對曰擇子莫如父擇臣莫如君。鄭莊

公城櫟而寘子元焉使昭公不立。子元鄭公子莊

公寘子元於櫟。桓十五年厲公因之以殺櫟大夫檀

伯遂居櫟卒使昭公不安位而見殺

○櫟力

說

元至子

見殺○正義曰杜以子元為鄭公子曼伯與檀伯為一人莊公城櫟而置子元又使檀伯為櫟邑大夫故厲公得因子元而殺檀伯劉炫以為傳言城櫟以置子元當謂賜元以櫟則以元為櫟邑之長若其別有大夫子元寄居於櫟便是城櫟以置檀伯何言置子元也若厲公因子元以殺檀伯則子元是檀邑之一夫耳豈是莊公城櫟之咎乎且桓十五年傳云鄭伯因櫟人殺檀伯不言因子元也子元鄭之公子不得為櫟人也鄭眾云子元即檀伯也厲公殺檀伯居櫟因櫟之眾偪弱昭公使至殺死按桓五年傳云子元請為左拒即云曼伯為右拒則曼伯子元近是為一以規杜氏今知劉說非者按晉封桓叔于曲沃而以欒賓傳之鄭使許叔居許而以公孫獲為佐楚使大子建居城父而以奮揚助之並是一邑之內而有二人則莊城櫟而置子元別有檀伯居櫟何為不可子元其櫟邑之人而納厲公但此因棄疾在蔡故特指

子元桓十五年直明厲公之入故總言櫟人辭有彼此不可為怪劉又以子元為曼伯按隱五年傳云曼伯與子元潛軍軍其後又下文鄭二公子敗燕師于北制是子元非曼伯也劉妄規杜非也

公城穀而寘管仲焉至于今賴之

二年臣聞五大不在邊五細不在庭


火土謂之五官玄鳥氏丹鳥氏亦有五又以五鳩鳩

民五雉為五工正蓋立官之本也末世隨事施職是

以官無常數今無宇稱習古言故云五大也言五官

之長專盛過節則不可居邊細弱不勝任亦不可居

朝廷



上古至朝廷。正義曰二十九年傳曰有五行之官是謂五官木正曰句芒火正曰祝

融金正曰蓐收水正曰玄冥土正曰后土是上古金
木水火土謂之五官也十七年傳云少皞氏紀於鳥
爲鳥師而鳥名鳳鳥氏歷正也玄鳥氏司分者也伯
趙氏司至者也青鳥氏司啓者也丹鳥氏司閉者也
是玄鳥丹鳥亦有五也彼傳又云五鳩鳩民者也五
雉爲五工正數皆有五蓋古立官之本以五爲常末
世隨事施職是以官無常數不復以五耳今無字稱
習古言故云五大也言五官之長其人大大專盛過
節則不可居邊城或將據邊城以陵本國也五官之
長大細弱則不勝其任不能使威行於下將爲人所
陵亦不可居朝廷也賈逵云五大謂大子母弟貴寵
公子公孫累世正卿也鄭衆云大子晉申生居曲沃
是也母弟鄭共叔段居京是也貴寵公子若棄疾在
蔡是也貴寵公孫若無知食渠丘是也累世正卿衛
甯殖居蒲孫氏居戚是也五細賤妨貴少陵長遠間
親新聞舊小加大也不在庭不當使居朝廷爲政也
此五大五細無字唯言五耳不知五者何謂故先儒
各自以意言之雖杜之言亦無明證正以彼不必通

故改親不在外羈不在內今棄疾在外鄭丹在內

襄十九年丹奔楚君其少戒王曰國有大城何如對

曰鄭京櫟實殺曼伯

京○曼伯檀伯也厲公得櫟又并宋蕭

毫實殺子游

莊九年渠丘今齊國西安縣也齊大夫雍廩邑

莊至廩邑○正義曰渠丘為雍廩之邑傳無其文以

彼傳言雍廩殺無知此云齊渠丘實殺無知以此知

渠丘是雍廩邑也鄭眾以渠丘為無知之邑無知不
坐邑死何以言渠丘殺無知蕭毫非子游之邑渠丘
不得為衛蒲戚實出獻公

蒲甯殖邑戚孫林父邑

出獻公在襄十四年

○出如字 徐音黠

若由是觀之則害於

國末大必折國折其本尾大不掉君所知也國為十

三年陳蔡作亂傳

○掉徒弔反

國

則害至不掉○正義曰宋殺子游齊殺無知乃

是賴得大邑以討篡賊而謂之害於國者以其能專

廢置則是國害天子之建諸侯欲令藩屏王室諸侯

之有城邑欲令指揮從已不得使下邑制國都故大

城為國害也末大必折以樹木喻也尾大不掉以畜

獸喻也楚語說此事公制城邑若體牲焉自首領股

肱至於拇指毛脉大能掉小故變而不動夫邊境者

國之尾也譬之如牛馬處暑之既至

蚩蠶之既多而不能掉其尾臣懼之

經十有二年春齊高偃帥師納北燕伯于陽國三年燕

伯出奔齊高偃高偃玄孫齊大夫陽即唐燕別邑中

山有唐縣不言于燕未得國都

○僂音奚

國

三年至國

○正義曰

劉炫云杜譜以偃與鄭為一亦云高僂玄孫按襄二

十九年傳云敬仲曾孫鄭非玄孫也今知非者按世

本敬仲生莊子莊子生傾子傾子之孫鄭是偃為敬

仲玄孫也經言于陽傳言于唐知陽即唐也不言于

燕未得國都與哀二

年納蒯賁于戚同

三月壬申鄭伯嘉卒

國

五同盟

國

國

嘉

五同盟

○正義曰

嘉以襄九年即位其

年盟于戲十一年于亳城北十六年于濩梁二十年

于澶淵二十五年于重丘二十六七年于宋元年于號

皆魯鄭俱在凡七云五者杜以其盟既多故皆據君

在盟會而言之襄二十七年是大夫之盟元年號會

讀舊書二者不數故為

五也或可傳寫錯誤

夏宋公使華定來聘

國

定華椒孫

宋公使華定來聘

公如晉至河乃復國晉人以莒故辭公

五月葬鄭簡公國三月而葬速

楚殺其大夫成熊國傳在葬簡公上經從赴音熊

秋七月

冬十月公子愁出奔齊國書名謀亂故也○愁魚觀反一讀為整正

反領

楚子伐徐國不書圍以乾谿師告國不書至師告○

侯潘子馬督囂尹午陵尹喜帥師圍徐以懼吳楚者不以所圍之師告以乾谿援師告也

春秋流

卷之三十二

及古周

晉伐鮮虞

不書將帥史闕文

○將子匠反帥所類反

闕不書至闕文

○正義曰十五年晉荀吳帥師伐鮮虞定四年晉士鞅衛孔圉帥師伐鮮虞二者皆書將帥此獨不書將

帥知是史闕或是告辭略史闕不得書亦得言史闕文也穀梁曰其曰晉狄之也不正其與夷狄交伐中

國故狄稱之也賈服取以為說左氏無貶中國從夷狄之法傳曰亡者侮之亂者取之又曰間攜貳覆昏

亂霸王之器也鮮虞夷狄也近居中山不式王命不共諸夏不事盟主伐而取之唯恐知力不足焉有以

夏討夷反狄中國從此以後用師多矣何以不常狄晉而復舉其人也杜以其言不通故顯而異之

傳十二年春齊高偃納北燕伯欵于唐因其衆也

因言唐衆欲納之故得先入唐○三月鄭簡公卒將

為葬除

除葬道

○為于偽反

及游氏之廟

游氏子大

叔族將毀焉子大叔使其除徒執用以立而無庸毀

註用毀廟具具若余**註**執用至庸毀正義曰用謂毀廟之類也庸亦用也教其

除道之徒執所用作具以佇立而無用即毀廟也曰子產過女而問何故不

毀乃曰不忍廟也諾將毀矣教毀廟者之辭**註**音汝

既如是子產乃使辟之司墓之室有當道者簡公**註**

別營葬地不在鄭先公舊墓故道有臨在迂直也司

墓之室鄭之掌公墓大夫徒屬之家迂音于一音於**註**司墓

之室正義曰周禮墓大夫下大夫二人中士八人

掌凡邦墓之地域為之圖令國民族葬鄭之司墓亦

當如彼此是掌公墓大夫也言之室有當道者則非
司墓自家之室故註以為徒屬之家猶尚書註云玄
水火流
卷百五 三十三
及古閣

孫之親言之以見高祖曾祖之弟皆親親相似毀之則朝而塋塋下棺朝

如字塋北鄧反徐甫贈反塋下棺○正義曰周

禮家作窆徐驗反義同禮作窆禮記作封此作

塋皆是葬時下棺於塋之事而其字弗毀則日中而

不同是聲相近經篆隸而字轉易耳弗毀則日中而

塋子大叔請毀之曰無若諸侯之賓何不欲久留

賓子產曰諸侯之賓能來會吾喪豈憚日中無損於

賓而民不害何故不為遂弗毀日中而葬君子謂子

產於是乎知禮禮無毀人以自成也憚待且反夏宋

華定來聘通嗣君也宋元公新即位享之為賦蓼

蕭弗知又不答賦蓼蕭詩小雅義取燕笑語今是

以有譽處兮樂與華定燕語也又曰既見君子為龍

為光欲以寵光賓也又曰宜兄宜弟令德壽凱言賓

有令德可以壽樂也又曰和鸞雍雍萬福攸同言欲

與賓同福祿也

○為于偽反蓼音六樂音洛

○為賦蓼蕭正義曰享宴之禮自有

常樂今特云為賦蓼蕭者文四年衛甯武子來聘公與之宴為賦湛露及彤弓註云非禮之常公持命樂人以示意則知此亦特命樂人所以嘗試華定

昭子曰必亡宴語之不懷

懷思也寵光之不宜

○宣揚也令德之不知同福之

不受將何以在

○為二十年華定出奔傳

○昭子至下受○

正義曰不懷不宜不知不受皆據華定為文也詩云燕笑語兮言定當思此笑語與主相對也詩云為龍

為光定當應此寵光宣揚之也詩云令德受詒定當知已有德與否須辭謝之也詩云萬福攸同定當受同福荷君恩也各準事而為之文○齊侯衛侯鄭伯如晉朝嗣君也

晉昭公新立○公如晉亦欲朝嗣君至河乃復

取鄭之役在十年莒人愬于晉晉有平公之喪未

之治也故辭公公子愁遂如晉愁魯大夫如晉不

書還不復命而奔故史不書於策愁魯至於策

書公子愁出奔齊名見於經則愁是卿也出奔既書於策如晉亦應書之今不書者杜以宣十八年書公

孫歸父如晉歸父還自晉至笙遂奔齊傳稱歸父還至笙聞公薨乃壇帷復命於介然後出奔書曰歸父

還自晉善之也彼善之故書其去又書其還此愁知已謀泄逃介而先不復命於君而還出奔故史不書

於策言其爲此故不書其如晉也劉炫云杜以懋還
不復命於介而奔止可不書其還何故如晉亦不書
也此蓋爲君使臣聘必當告廟告廟乃得書於策公
歸告復不告使懋故不書如晉今刪定以爲懋初欲
謀亂魯國而往聘晉魯人責其謀亂不復命故賤而
不錄其聘也出奔書者榮其罪人斯得故顯而書之
也劉以爲出聘不告廟故不書而規杜氏按不復命
而奔傳有其事公子懋不告廟傳無其文以無文之
事妄規杜氏非也

晉侯享諸侯子產相鄭伯辭於享請免喪

而後聽命

簡公未葬

○相息亮反下同

○

子產至於享○正義曰僖九年

宋桓公卒未葬襄公會諸侯故曰子是先君未葬有
從會之禮也鄭偏於楚以因事晉故父雖未葬朝晉
嗣君不得已而行於情可許也諸侯相享享
必有樂未葬不可以從吉故辭享爲得禮

晉人許

之禮也

○

善晉不奪孝子之情晉侯以齊侯宴中行

穆子相 **國** 穆子荀吳投壺晉侯先穆子曰有酒如淮

有肉如坻 **國** 淮水名坻山名 ○淮舊如字四瀆水也

切云淮當為濰濰齊地水名下稱灑亦是齊國水也

按灑是齊水齊侯稱之荀吳既非齊人不應遠舉濰

水古韻緩作淮足得無勞改也坻直疑反徐 **國** 投壺

直夷反詩云宛在水中坻坻水中高地也 **國** ○正

義曰禮記有投壺之禮其文無相者况辭此中行穆

子與齊侯皆有言辭者投之中否似若有神故設為

此語或作投時皆有言語禮自不載之耳伯瑕責穆

子唯言壺何為焉其以中為雋責其失辭不云法不

言是投壺皆有言也凡宴不射是為投壺投壺之禮

壺去席二矢半司射執入筭東面壺投如射三而止

其矢室中五扶堂上七扶庭中九扶鋪四指曰扶扶

四寸也筭長尺二寸壺頸修七寸腹修五寸口徑二

寸半容斗五升壺中實小豆焉為其矢之躍而出也

小豆取滑且堅矢以柘若棘毋去其皮取其堅且重

也舊說矢大七分○**國**淮水名坻山名○正義曰杜以淮為水名當謂四瀆之淮也劉炫以為淮坻非韻淮當作灘又以坻為水中之地以規杜氏今知不然者以古之為韻不甚要切故詩云汎彼柏舟在彼中河鬢彼兩髦實維我儀又云為絺為綌服之无斃儀河斃綌尚得為韻淮坻相韻何故不可此若齊侯之語容可舉齊地淮水此是穆子在晉何意舉齊地水乎又酒肉相對多少相似按爾雅小洲曰渚小渚曰泚小泚曰坻何得以坻之小地對淮之大水故杜以坻為山名劉炫又以山無名坻者按楚子觀兵於坻箕之山坻非山乎劉寡君中此為諸侯師中之齊侯以此規杜失非也

舉矢曰有酒如澠有肉如陵**國**澠水出齊國臨淄縣

北入時水陵大阜也○中丁仲反下及註同澠音繩時如字本或作澠音同

國澠水至阜也○正義曰釋例云澠水出齊國臨淄縣北經樂安博昌縣南界西入時水釋地云大阜曰

寡人中此與君代興代更也○更音庚亦中之伯瑕

謂穆子伯瑕士文伯曰子失辭吾固師諸侯矣壺

何為焉其以中雋也言投壺中不足為雋異齊君

弱吾君歸弗來矣欲與晉君代興是弱之○齊君弱吾君

輕吾君以為弱也穆子曰吾軍師疆禦卒乘競勸今猶古也

齊將何事言晉德不衰於古齊不事晉將無所事

○帥所類反禦魚呂反公孫倭趨進曰日旰君勤可

以出矣以齊侯出倭齊大夫傳言晉之衰○倭素口反徐

又所留反○楚子謂成虎若敖之餘也遂殺之成

旰白但反

虎令尹子玉之孫與鬬氏同出於若敖宣四年鬬椒

作亂今楚子信譖而託討若敖之餘

說成虎○正義曰經書熊傳

言虎者此人名熊字虎傳言其字經書其名名字相覆猶伯魚名鯉

或譖成虎於楚子

成虎知之而不能行書曰楚殺其大夫成虎懷寵也

說解經所以書名○六月葬鄭簡公**說**傳終子產辭

享明既葬則為免喪經書五月誤○晉荀吳偽會齊

師者假道於鮮虞遂入昔陽**說**鮮虞白狄別種在中

山新市縣昔陽肥國都樂平沾縣東有昔陽城○種

反沾張廉反韋昭**說**鮮虞至陽城○正義曰宣十

音拈字林他廉反**說**五年晉師滅赤狄潞氏十六年

晉人滅赤狄甲氏及留吁成三年晉郤克衛孫良夫
 伐墻咎如傳曰討赤狄之餘焉是赤狄已滅盡矣知
 鮮虞與肥皆白狄之別俚也杜以者陽為肥國之都
 樂平沾縣東有昔陽城疑此為都也下註云鉅鹿下
 曲陽縣西南有肥累城復疑肥國取彼肥為名也劉
 炫以為齊在晉東偽會齊師當自晉而東行也假道
 鮮虞遂入昔陽則昔陽當在鮮虞之東也今按樂平
 沾縣在中山新市西南五百餘里何當假道於東北
 之鮮虞而反入西南之昔陽也既入昔陽而別言滅
 肥則肥與昔陽不得為一安得以昔陽為肥國之都
 也昔陽即肥都何以復言鉅鹿下曲陽有肥累之
 城疑是肥名取於彼也肥為小國竟必不遠豈肥名
 取鉅鹿之城建都於樂平之縣也十五年荀吳伐鮮
 虞圍鼓杜云鼓白狄之別鉅鹿下曲陽縣有鼓聚炫
 謂肥鼓並在鉅鹿昔陽即鼓都在鮮虞以東南也
 二十二年傳云晉荀吳使師偽糴者負甲以息於昔
 陽之門外遂襲鼓滅之則昔陽之為鼓都斷可知矣
 今杜以昔陽為肥國都是者以傳云遂入昔陽即云

壬午滅肥是因入而滅之故云昔陽肥國都也昔陽
既在樂平沾縣而杜又云鉅鹿下曲陽縣西南有肥
累城相去遠者以肥是本封之名後遷于昔陽猶若
杞國本都陳留後遷緣陵鄭本都京兆後遷鄠郿與
此何異耳昔陽今屬廉州去下曲陽道路非遠在中
山南二百餘里劉炫自云肥之與鼓俱在曲陽足知
肥累城與昔陽不甚縣絕劉意欲破杜乃云樂平沾
縣在中山新市西南五百餘里又自云昔陽鼓國都
與肥相近在中山東南是自相矛盾也然鮮虞在北
昔陽在南所以得假道鮮虞遂入昔陽者荀吳意欲
滅肥恐肥國防備故從鮮虞之北竟爲欲東南而行往
會齊師故先迴路假道鮮虞南入昔陽如湯之放桀
迂路從隔出其不意故也自杜君土地例稱有者皆
疑辭故杜云樂平沾縣未有昔陽是疑而不定又且
都縣移動古今不一則晉時樂平沾縣何知不是今
之昔陽但肥都昔陽與鼓相近晉既滅得肥國故二
十二年息昔陽之門外遂襲鼓而取之昔

秋八月壬

午滅肥以肥子緜臯歸肥白狄也緜臯其君名鉅

鹿下曲陽縣西有肥累城為下晉伐鮮虞起臯古刀反累

劣彼反又力輒反○周原伯絞虐其輿臣使曹逃原伯絞

周大夫原公也輿眾也曹羣也絞古卯反○周大夫

正義曰杜以原伯絞為周大夫甘簡公為周卿士此無明據以意言耳冬十月壬申朔

原輿人逐絞而立公子跪跪尋絞弟○跪求委反又音詭

絞奔郊郊周也○甘簡公無子立其弟過甘簡

公周卿士過古禾反過將去成景之族成公景

公皆過之先君去起成景之族賂劉獻公欲使

殺過劉獻公亦周卿士劉定公子丙申殺其悼公

悼公即過而立成公之孫鮪

鮪平公

音秋

丁酉殺

獻大子之傅庾皮之子過

過劉獻公大子之傅殺

瑕辛于市及宮嬖綽王孫沒劉州鳩陰忌老陽子

六子周大夫及庾過皆其悼公之黨傳言周衰原其

二族所以遂微○季平子立而不禮於南蒯

蒯南

遺之子季氏費邑宰

○蒯苦怪反費音秘

南蒯謂子仲

公子憇吾出季氏而歸其室於公

室季氏家財子

更其位

更代也

我以費為公臣子仲許之

南蒯語叔仲穆子且告之故田穆子叔仲帶之子叔

仲小也語以欲出季氏以不見禮故

○語魚據反註同

季悼

子之卒也叔孫昭子以再命為卿田悼子季武子之

子平子父也傳言叔孫之見命乃在平子為卿之前

及平子伐莒克之更受三命田十年平子伐莒以功

至三命昭子不伐莒亦以例加為三命

田季悼子至命為卿○

正義曰悼子之卒不書於經則是未為卿也其卒當

在武子之前平子以孫繼祖武子卒後即平子立也

傳言悼子卒者欲見昭子為卿遠在平子之先○田

十年至三命○正義曰十年平子伐莒各書於經即
平子於時已為卿矣釋例曰魯之叔孫父兄再命而
書於經晉司空亞旅一命而經不書推此知諸侯之

卿大夫再命以上皆書於經自一命以下大夫及士
經皆稱人名氏不得見也劉賈云春秋之序三命以
上乃書於經類氏以為再命稱人傳云叔孫昭子三
命踰父兄昭公十年昭子始加三命先此叔孫皆自
見經知所書皆再命也是杜檢傳文知再命書名平
于伐莒書名知其已再命矣平子伐莒克之昭子不
伐莒也昭子無功而更受三命知平子
以功加三命昭子以例加為三命也 叔仲子欲構
二家言昭子受三命自踰其先人欲構使相憎謂平子曰三命踰父兄非禮也

言昭子受三命自踰其先人
正義曰禮記文王

世子云其朝于公內朝庶子治之雖有三命不踰父
兄鄭玄云治之治公族之禮也唯於內朝則然其餘
會聚之事則與庶姓同一命齒於鄉里再命齒於父
族三命不齒不齒者不在父兄行列中也彼言三命
不踰父兄者自謂在公內朝位在父兄下耳非謂不
得受三命踰父兄也叔仲子欲構二家因禮有三命

不踰父兄之法遂言昭子受三命自踰其先人以此為非禮也平子初得其言不甚曉解故使昭子令自貶黜見昭子不服乃自知其非故懼而歸罪於叔仲子也昭子無兄叔仲子引禮法連言之耳平子

曰然故使昭子國使昭子自貶黜昭子曰叔孫氏有

家禍殺適立庶故國也及此國禍在四年國適丁若

因禍以斃之則聞命國言因亂討已不敢辭若不

廢君命則固有著矣國著位矣昭子朝而命吏曰國姑

將與季氏訟書辭無頗國頗偏也國何反季孫懼而

歸罪於叔仲子故叔仲小南蒯公子愁謀季氏愁告

公而遂從公如晉國愁子仲南蒯懼不克以費叛如

齊子仲還及衛聞亂逃介而先

介

介副使也

介音界使所

更反及郊聞費叛遂奔齊

言

言及郊解經所以書出

也

言及至書出正義曰凡言出奔皆自內而出文七年晉先蔑奔秦先在秦地因即奔秦故不言出也歸父還自晉至笙遂奔齊笙在魯之竟外故不言出也此言及郊已入魯竟傳言及郊解經所以書出

南蒯之將叛也其鄉人或知之過之而歎

鄉人

鄉人過

蒯而歎且言曰恤恤乎湫乎攸乎

恤

恤恤憂患湫愁

隘攸懸危之貌

湫子小反徐又在酒反一音秋攸如字徐以帚反隘於賣反懸音玄本

又作

恤

恤恤至之貌正義曰釋詁云恤憂也故縣以恤恤為憂患之意也湫是湫隘故以湫為

愁隘之意也詩云攸攸旂旌故以深思而淺謀邇身攸為懸之貌也言南蒯之心若此

深思而淺謀邇身

而遠志家臣而君圖圖家臣而圖人君之事故言思

深而謀淺身近而志遠○息息嗣深思至君圖○

淺謀息慮深而知計淺言其知小而謀大也邇身而

遠志身卑近而志高遠言其越分以求通也家臣而

君圖為家臣而謀君事言其非已所當為也上二句

言其心下一句指其事為下句而發上句故註例言

之有人矣哉圖言今有此人微以感之南蒯枚筮之

圖不指其事汎卜吉凶○枚武回反○南蒯枚筮之

有銜枚所銜之木大如箸也今人數物云一枚兩枚

是籌之名也尚書大禹謨舜禪禹禹讓不受請帝枚

卜功臣惟吉之從孔安國云枚謂歷卜之而從其吉

彼謂入下一籌使歷卜之也此則不告筮者以所筮

之事空下一籌而使之筮故杜云不指其事汎卜吉

凶也或以為杜云汎卜吉凶謂枚雷總卜則禮云無

雷同是總衆之辭也今俗語云枚雷則其義埋或然也

遇坤 三三三

坤上坤下

坤 門反 坤苦

之比 三三三

坤下坎上比坤六五爻變

比

毗志反 註同

曰黃裳元吉

坤六五爻辭以為大吉也示

子服惠伯曰即欲有事何如惠伯曰吾嘗學此矣忠

信之事則可不然必敗外強內溫忠也 坎險故強

坤順故溫強而能溫所以為忠

以為大吉 曰筮遇此爻而辭

云黃裳元吉南蒯自以為所謀之事必大吉 坎險至為忠 正義曰坎象云習坎重險是坎為險也

說卦云坤順也六五爻變則上體為坎坎有險難故

為剛強也坤道和順故為溫柔也剛強以禦難柔順以事主故外強而能內溫所以為忠也 和以率貞信也 水和而土安

正和正信之本也故曰黃裳元吉黃中之色也裳下

之飾也元善之長也中不忠不得其色言非黃長

丁丈反坤為土土性安正率循也貞正也用和柔之

性以循安正道既和且正性之本故為信也故曰黃裳元吉○正義曰天下之事雖則萬端總之諸法

大歸忠信而已能忠能信無施不可以有下不共不忠信故曰黃裳元吉解此爻辭之意也

得其飾不為裳事不善不得其極失中德失

中德○正義曰極訓為中不得其中言其失中德也此文以上二句類之當云善不極不得為長文不然

者惠伯之語雖反覆相疊不可字外內倡和為忠

不相違也○侶呂亮反和戶卧反率事以信為共率猶行也

訓 率猶行也。○正義曰：率，訓循循而行。故率猶行也。**供養三德為善** **三德**

謂正直剛克柔克也。○供九用反。 **三德** 至克也。

三德一曰正直二曰剛克三曰柔克。孔安國云：正直者能正人之曲，直剛克者剛能立事，柔克者和柔能

治三者皆人之性也。剛則失之於強，柔則失之於弱，故貴其能剛能柔，謂剛不苛酷，柔不滯溺也。供養三

德為善者，剛則抑之，柔則進之，以志意供給長養之，使合於中道，各成其德，乃為善也。董遇註：本為共養

解云：盡其所以 **非此三者弗當** **非忠信善不當** 此

養成三德也。 **非此三者弗當** **非忠信善不當** 此

卦 ○當如字註 **黃中至弗當** ○正義曰：既言爻為

同或丁浪反 **此辭之意** 又解此辭所言之義也

五方則為五色，黃是中央之色也。衣裳所以飾身，裳

是在下之飾也。元者始也，首也。於物為初始，於人為

頭首，元是諸善之長也。五方之中，猶人之心，中心

不忠則不得其黃之色也。身體之下，猶名位之下，為

下不共則不得其裳之飾也舉事不善則不得其善之中言為事不中則非善之長也更覆言忠共善三者之義外內偕和為忠言君在內臣在外君倡臣和不相乖違是名為忠也行事以信無有虛詐是名為共也人之為德有正直剛柔供養此三者之德使其德無愆乃名為善也非此三者忠也共也善也則於此卦不當也不當且夫易不可以占險將何事也且此卦雖吉不可

可飾乎



夫易猶此易謂黃裳元吉之卦問其何事

欲令從下之飾

○夫音扶註同令力呈反





且夫至事也○正義曰且夫易謂此黃裳


元吉之易也唯可以占忠信之事不可以占危險之事也問南蒯今將欲為何事也且可飾乎言此易所占唯且可為在下之飾乎不可為餘事也中美能黃忠則黃也上美為元善則元也下美則裳共則裳也忠善共三者皆成可如此筮之言吉也三者猶有所闕筮雖吉未可用也○**可飾乎**夫易至之飾○正義曰惠

伯指論此卦而言夫易非是漫言易故知夫易猶言此易謂此黃裳元吉之易卦也險謂危險言此卦不可以及占危險之專心疑南蒯事險故問將何事也且可為下之飾也欲令南蒯從下之飾為共中美

能黃上美為元下美則裳參成可筮  參美盡備吉

可如筮 ○參七南反又音三 猶有闕也筮雖吉未也  有闕謂

不參成將適費飲鄉人酒  南蒯自其家遷適費 ○飲

於鳩反 鄉人或歌之曰我有圃生之杞乎  言南蒯在

費欲為亂如杞生於園圃非宜也杞世所謂枸杞也

○圃布古反杞音紀 從我者子乎  子男子之通稱

言從已可不失今之尊 ○稱尺證反 去我者鄙乎倍其鄰

者恥乎

國

鄰猶親也

音佩

已乎已乎非吾黨之士乎

國

已乎已乎言自遂不改

國

鄉人至士乎正義曰

而欲反害季氏故為歌以感切之也圃者所以殖菜
蔬也杞非可食之物我有圃生之杞以喻南蒯在費
欲為亂也若能從我之言不為亂者是為子也子者
男子之美稱不失尊貴得為子也去我而背叛者鄙
賤之行也倍其隣近者耻惡之事也若已乎已乎自
遂其心不肯改者則不復是吾黨之士乎釋木云杞
枸櫞舍人曰向杞也○**國**已乎至不改○正義曰杜
此解原南蒯之意蒯若云此事已乎已乎自遂其心
如不肯改則此南蒯非復是吾黨之士也服虔云已
乎決絕之辭則謂歌者自言已意可已乎已乎此南
蒯今已非是
吾黨之士
平子欲使昭子逐叔小
國欲以自解
說小聞之不敢朝昭子命吏謂小待政於朝曰吾不

為怨府

言

不能為季氏逐小生怨禍之聚為明年

叔弓圍費傳

○為季氏
偽反下同

○楚子狩于州來

狩

冬獵

也

○狩本亦作守
同手又反註同

次于潁尾

潁

潁水之尾在下蔡使

蕩侯潘子司馬督囂尹午陵尹喜帥師圍徐以懼吳

圍

五子楚大夫徐吳與國故圍之以備吳

○潘音于
反督音篤

本亦作裝囂五
刀反徐許驕反

楚子次于乾谿

谿

在譙國城父縣南

以為之援雨雪王皮冠秦復陶

陶

秦所遺羽衣也

○援

于眷反雨于付反王皮冠一本作楚子皮
冠復音服一音福陶徒刀反遺唯季反

遺

秦所遺羽衣

○正義曰文在冠下焉上知是衣也目之以秦明是
秦所遺也冒雪羽之知是毛羽之衣可以禦雨雪也

翠被

以翠羽飾被

註及下同

豹鳥

以豹皮為

履

音昔 執鞭以出

執鞭以教令

革旁作更者五孟

也 反非

僕析父從

楚大夫

從才用反

翠被

釋鳥

云翠鵲樊光云青出交州李巡曰其羽可以釋物郭璞曰似燕緝色生鬱林鄭子臧好鵲冠以此鳥之羽

飾冠○僕析父從○正義曰劉炫以為僕析父從右尹子革夕見於王為下與革語張本以規杜今知不

然者若僕析父共子革二人同時見王王與之語則二人並在子革獨對傳應云子革對曰不得直云對

故杜以為右尹子革將夕故下即右尹子革夕

云對事理分明劉妄規杜過非也

革鄭丹夕莫見○莫音暮 王見之去冠被舍鞭敬

大臣○去起呂 與之語曰昔我先王熊繹楚始封

君○釋楚始封君○正義曰此與呂級王孫牟

音亦○變父禽父杜所註者皆是世家文也變父

禽父亦王孫傳於牟○與呂級齊大公之子丁公

言王孫變禽亦蒙之○晉唐叔之

音急本○衛康叔子康伯變父

亦作○晉唐叔之

子○變素協反禽父○周公子伯禽並事康王

父音甫○下同周公子伯禽並事康王○康

王成王子四國皆有分我獨無有○四國齊晉魯衛

分珍寶之器○分扶問反四國至之器○正義

下及註皆同書序云武王既勝殷

邦諸侯班宗彝○作分器旅葵云明王慎德四夷咸賓

無有遠邇畢獻方物惟服食器用王乃昭德之致于

異姓之邦無替厥服分寶玉於伯叔之國時庸展親

魯語云古者分同姓以珍玉展親也分異姓以遠方

之職貢使無忘服也是言諸侯皆得天子之分器也

定四年傳稱分魯公以夏后氏之璜封父之繁弱分

康叔以大呂之鍾分唐叔以密須之鼓闕鞞之甲姑洗之鍾其齊之所得則無以言之

今吾使

人於周求鼎以為分王其與我乎對曰與君王哉昔

我先王熊繹辟在荆山

圖 在新城汴鄉縣南

○辟匹亦反汴

音市又音示 篳路藍縷以處草莽跋涉山林以事天子唯

是桃弧棘矢以共禦王事

圖 桃弧棘矢以禦不祥言

楚在山林少所出有

○篳音必藍力其反縷力主反莽武黨反跋蒲末反共音恭禦

魚呂反

齊王舅也

圖 成王母齊夫公女晉及魯衛王母

弟也楚是以無分而彼皆有今周與四國服事君王

將唯命是從豈其愛鼎王曰昔我皇祖伯父昆吾舊

許是宅

圖

陸終氏生六子長曰昆吾少曰季連季連

楚之祖故謂昆吾為伯父昆吾嘗居許地故曰舊許

是宅

○長丁丈反少詩照反嘗一本作曾才能反

圖

陸終至是宅○正義曰楚世家云陸終

生子六人坼剖而產焉一曰昆吾二曰參胡三曰彭

祖四曰會人五曰曹姓六曰季連季連芊姓楚其後

也昆吾是楚之遠祖之兄也舊許是宅昆吾嘗居許

地許既南遷故云舊許是宅其地此時屬鄭故云鄭

人貪賴其田而不我與哀十七年傳衛侯夢見人登

昆吾之觀北面而譟曰登此昆吾之墟杜云今在濮

陽城中蓋昆吾居此二

處未知孰為先後也

今鄭人貪賴其田而不我與

我若求之其與我乎對曰與君王哉周不愛鼎鄭敢

愛田王曰昔諸侯遠我而畏晉今我大城陳蔡不羹

賦皆千乘子與有勞焉諸侯其畏我乎對曰畏君王

哉是四國者專足畏也四國陳蔡二不羹○遠于萬反羹

音郎乘繩證楚語云靈王城陳蔡不羹使僕夫子

反與音預楚語云靈王城陳蔡不羹使僕夫子

哲問於范無字曰今吾城三國賦皆千乘亦當晉矣

諸侯其來乎對曰是三城者豈不使諸侯之惕焉彼

再言三城無四國也縱使不羹有二或當前後遷焉

非是並有二也炫謂古四字積畫四當為三以規杜

過今知不然者以三之與四古雖積畫錯否難知但

今諸儒所註春秋傳本並云四國無作三者國語是

不傳之書何可執以為真而攻又加之以楚敢不畏

左氏劉雖有所規未可從也

君王哉工尹路請曰君王命剝圭以為鉞秘鉞斧

也柄柄也破圭玉以飾斧柄剝邦角反鉞音戚秘音祕

圭破

以飾斧柄。正義曰：斧何長二尺，和氏之王長一尺，二寸圭玉非為斧柄之物，故知破之為飾。敢請

命國請制度之命。王入視之，析父謂子革：吾子，楚國

之望也。今與王言如響，國其若之何國。譏其順王心

如響應聲。○響許丈反。應應對之應。子革曰：摩厲以須，王出吾刃

將斬矣國。以已喻鋒刃，欲自摩厲以斬王之淫慝慝。

他得反。王出復語左史，倚相趨過國。倚相，楚史名。○復扶又

反倚於綺，反徐其綺，反相息亮反。王曰：是良史也。子善視之，是能讀

三墳五典八索九丘國。皆古書名。○墳扶云反，索所自反，本又作素。

國皆古書名。○正義曰：孔安國尚書序云：伏犧神農黃帝之書，謂之三墳，言大道也。少昊顓頊高辛

唐虞之書謂之五典言常道也八卦之說謂之八索求其義也九州之志謂之九丘丘聚也言九州所有土地所生風氣所宜皆聚此書也楚左史倚相能讀三墳五典八索九丘即謂上世帝王遺書也周禮外史掌三皇五帝之書鄭玄云楚靈公所謂三墳五典是也賈逵云三墳二王之書五典五帝之典八索八王之法九丘九州之國之戒延篤言張平子說三墳三禮禮為人防爾雅曰墳大防也書曰誰能典朕三禮三禮天地人之禮也五典五帝之常道也八索周禮八議之刑索空空設之九丘周禮之九刑丘空也亦空設之馬融說三墳三氣陰陽始生天地人之氣也五典五行也八索八卦九丘九州之數也此諸家者各以意言無正驗杜所不信故云皆古書名耳

肆其心

國

周穆王肆極也周行天下將皆必有車轍

馬跡焉祭公謀父作祈招之詩以止王心

國

謀父周

卿也祈父周司馬世掌甲兵之職招其名祭公方誥

遊行故指司馬官而言此詩逸

○周行如字又下孟反轍直列反祭側界

反招常進反又

詁謀父至詩逸○正義曰尚書酒

音昭父音甫

詩小雅有祈父之篇其詩云祈父子王之爪牙胡轉

予于恤毛傳云祈父司馬也職掌封祈之甲兵鄭箋

云此司馬也時人以其職號之故曰祈父杜用彼說

故云祈父司馬世掌甲兵之職也祈既官故以招

為其名謂穆王之時有司馬之官其名曰招也祭公

方諫遊行故指司馬官而為言也賈逵云祈求也昭

明也言求明德也馬融以圻為王圻千里王者

遊戲不過圻內昭明也言千里之內足明德

王是

以獲沒於祗宮

獲沒不見篡弒○祗音支又音祈

篡初患反弒申志

反**宮**祗宮○正義曰馬融云圻內遊觀之

臣問其詩

宮也杜不解蓋以為王離宮之名也

而不知也若問遠焉其焉能知之王曰子能乎對曰

能其詩曰祈招之愔愔式昭德音愔愔安和貌式

用也昭明也○焉能於虔反愔愔思我王度式如玉

式如金金玉取其堅重形民之力而無醉飽之心

國言國之用民當隨其力任如金冶之器隨器而制

形故言形民之力去其醉飽過淫之心○冶音也

其詩至之心○正義曰穆王之時有所父官名招即

是司馬官也職掌兵甲當從五行祭公諫王遊行設

言以戒司馬也言祈招之愔愔美其志性安和愔愔

然也女當用此職掌以明我王之德音也思使我王

之德度用如玉然用如金然使之堅而且重可寶愛

也若用民力當隨其所能而制其形模依其形模用

民之力而無有醉飽盈溢之心也。以王之遊行必勞損民力，故令依法用之。○言國至之心。○正義曰：言國之用民，當隨其力，任量其力之所堪而任之。不使勞役過其所堪也。如金冶之器，隨器而制形者，鑄冶之家，將作器而制其模，謂之爲形。今代猶名焉，用民之力，依模用之，故言形民之力也。食充其腹，謂之飽。酒卒其量，謂之醉。醉飽者是酒食饜足，過度之名也。穆王用民之力，不知饜足，故令去其醉飽，過盈之

之王揖而入饋，不食寢不寐數日。

○

深感子革之言

○饋其位反

不能自克以及於難

○

克勝也

○難乃且反勝

升證反

仲尼曰古也有志克已復禮

仁也信善哉楚

靈王若能如是豈其辱於乾谿

○

克已復禮仁也。○正義曰：劉炫云：克

訓勝也。已謂身也。有嗜慾當以禮義齊之。嗜慾與禮義交戰，使禮義勝其嗜慾，身得歸復於禮。如是乃爲

仁也復反也言情為嗜慾所逼已離禮而更歸復之
 今劉定云克訓勝也已謂身也謂身能勝去嗜慾反
 復於禮也 ○晉伐鮮虞因肥之役也 **國** 肥役在此年

(Faint bleed-through text from the reverse side of the page)



圖書
 ZHUJI LIBRARY

春秋左傳註疏卷第四十六

昭十

晉杜氏註

唐孔穎達疏

經十有三年春叔弓帥師圍費

圍不書南蒯以費叛不

以告廟

○費音祕**圍**不書至告廟○正義曰定八年傳云陽虎入于謹陽關以叛註云叛不

書略家不則此亦為略家臣故不告廟也以不告廟故史不得書二註互相備

夏四月楚公子比自晉歸于楚弑其君虔于乾谿

比

去晉而不送書歸者依陳蔡以入言陳蔡猶列國也

比歸而靈王死故書弑其君靈王無道而弑稱臣比

非首謀而反書弒比雖脅立猶以罪加也靈王死在

五月又不在乾谿楚人生失靈王故本其始禍以赴

之○谿苦比去至赴之○正義曰傳稱依陳蔡

今反

說

人以國許復其國而藉其力故書為歸

言是陳蔡納之釋例曰韓魏有耦國之彊陳蔡有復

國之端故晉趙鞅楚公子比皆稱歸從諸侯納之例

言非晉楚之所能制是其義也計靈王無道於國其

弒不應稱臣又比為觀從所誑迫脅而立非是弒君

首謀而反書比弒君者比歸而王死故書比弒其君

比雖被脅而立靈王為比而死雖非比弒猶以弒君

之罪加比哀六年註云楚比劫立陳乞流涕子家憚

老皆疑於免罪故春秋明而書之以為弒主釋例曰

若鄭之歸生齊之陳乞楚公子比雖本無其心春秋

之義亦同大罪是以君子慎所以立也其意以為弒

君之惡惡之大者雖則本無其心君實由之而死若

舍而不責則下無所忌故書其名成其罪所以示來

世勵後人爲殺之遠防也靈王見弑實曰無道但欲見比罪故稱臣名非言靈王爲有道猶宣二年晉趙盾弑其君夷皋釋例曰傳言靈公不君又以明於例此弑宜稱君也弑非趙盾而經不變文者以示良史之意深責執政之臣彼爲章盾之罪稱臣名此亦爲章比之罪稱臣名非言靈王不合弑稱君也又傳稱五月王縊于芊尹申亥氏他年申亥以王柩告則靈王死在五月其死又不在乾谿而經書四月比弑其君虔于乾谿者楚人生失靈王告時未知死否但以乾谿之地失王以爲王必死矣本其始禍故以四月弑君赴也劉炫云比以四月歸旣歸而王死故以云云同

楚公子棄疾殺公子比

比雖爲君而未列於諸侯故不稱爵殺不稱人罪

棄疾比雖至棄疾。正義曰釋例曰諸侯不受

書之齊商人蔡侯般之屬是也若未得接於諸侯則不稱爵楚公子棄疾殺公子比蔡人殺陳佗齊人殺

無知衛人殺州吁公子瑕之屬是也諸侯篡立雖以會諸侯為正此列國之制也至於國內策名委質即君臣之分已定故諸殺不稱君亦與成君同義也傳曰會平州以定公位又云若有罪則君列諸會矣此以會為斷也衛州吁齊無知皆弑君自立其死稱人以殺此比亦弑君而立不稱人以殺而云棄疾殺者棄疾利比之位而殺之其意不得為討賊不稱人所以罪棄疾也釋例云此既得國國人驚亂棄疾從而扇之比懼自殺皆棄疾之由故書公子棄疾殺公子比是言不稱弑其君又說罪棄疾之意也

秋公會劉子晉侯齊侯宋公衛侯鄭伯曹伯莒子邾子

滕子薛伯杞伯小邾子于平丘

縣西南 垣 八月甲戌同盟于平丘 平丘在陳留長垣

公不與盟 魯不堪晉求讒慝弘多公不與盟非國

惡故不諱

○與音預註
同惡他得反
宣七年公會晉侯云云于

黑壤傳曰晉侯之立也公不朝焉又不使大夫聘晉人止公于會盟于黃父公不與盟以賂免故黑壤之盟不書諱之也彼公不與盟諱而不書此書之者彼不相朝聘公實有罪諱國之惡故不書其盟此時公實無罪非是國惡故書而不諱襄三十一年傳曰晉公室卑政在侈家韓宣子為政不能圖諸侯魯不堪晉求讒慝弘多是以有平丘之會此年傳云邾人莒人翹于晉曰魯朝夕伐我幾亡矣註云自昭公即位邾魯同好又不朝夕伐莒無故怨翹晉人信之所謂讒慝弘多是言晉受讒言公無罪非國惡故不諱也

晉人執季孫意如以歸公至自會

無傳

蔡侯廬歸于蔡

○廬音盧又力居反

陳侯吳歸于陳

陳蔡皆受

封于楚故稱爵諸侯納之曰歸

正義曰公羊傳曰

此皆滅國也其言歸何不與諸侯專封也其意言諸侯不得專封不與楚封陳蔡使若陳蔡之君自有國而歸之然以是故稱爵言歸若言各自有爵非由楚也杜以傳言平王封陳蔡又二君之歸再言禮也則與滅繼絕是為得禮無有不與楚封之事也二者皆是舊國立君紹其先祀襲其封爵爵是先世之爵非楚今始立之故其陳蔡皆受封于楚已立為侯故稱爵以歸國非入國始為君也禮諸侯不生名二君皆書名者稱爵以其受封于楚書名以其未成為君稱名稱爵兩見之也諸侯納之曰歸成十八年傳例

冬十月葬蔡靈公

國

蔡復而後以君禮葬之

公如晉至河乃復

國

晉人辭公

吳滅州來

國

州來楚邑用大師焉曰滅

國

州來至曰滅○正義曰

州來楚邑不繫楚者大都以名通者例皆不繫國用大師焉曰滅襄十三年傳例

傳十三年春叔弓圍費弗克敗焉為費人所敗不

書諱之平子怒今見費人執之以為囚俘治區夫曰

非也區夫魯大夫○俘芳夫反治音也區非也

義曰并三代若見費人寒者衣之饑者食之為之令

主而共其乏困費來如歸南氏亡矣民將叛之誰與

居邑若憚之以威懼之以怒民疾而叛為之聚也若

諸侯皆然費人南歸不親南氏將焉入矣平子從之

費人叛南氏費叛南氏在明年傳善區夫之謀終

言其效○衣於既反食音嗣共音恭憚待旦反疾

至聚也。正義曰：季氏既執費人，人皆憎疾季氏而叛之，為南氏之積聚也。

○楚子之為

令尹也，殺大司馬，遠掩而取其室。

在襄三十年。遠。

于委反掩於檢反。

及即位，奪遠居田。

居掩之族言遠氏所

以怨遷許而質許圍。遷許在九年，圍許大夫。

音致質。

蔡洧有寵於王，王之滅蔡也，其父死焉。

楚滅蔡在

十一年，洧仕楚，其父在國故死。

洧于。

王使與於守

而行。

使洧守國，王行至乾谿。

與音預，楚子至守手又反，而行。

正義曰：易稱善不積不足以成名，惡不積不足以滅身。小人以小善為無益而弗為，以小惡為無傷而弗去也。故惡積而不可掩，罪申之會，越大夫戮焉。申。

會在四年

申

申之至戮焉。正義曰：王肅云：越大夫常壽過也。申之會，經書淮夷而不書越。

者以常壽過有罪，不得列會，故不書越也。戮者，陳其罪惡，以徇諸軍，言將殺之，終亦不殺。過至今在楚，故

怨而

王奪鬪韋龜中雙

韋龜，令尹子文玄孫中雙

邑名

○雙尺州反

又奪成然邑而使為郊尹

成然，韋龜

子郊尹治郊竟大夫

○竟音竟

蔓成然故事，蔡公

棄疾也，故猶舊也。韋龜以棄疾有當璧之命，故使成

然事之

○蔓音萬

故遠氏之族及遠居許圍，蔡消蔓成然

皆王所不禮也。因羣喪職之族，啓越大夫常壽過作

亂

常壽過申會所戮者

○喪息浪反，過古禾反

申

故遠至成然。正義

曰言族者以掩既被殺唯有族存故言族也韋龜成然皆被奪邑所以不數韋龜而獨數成然者以是時韋龜已死故不言之上言奪邑者積王之惡見成然怨恨之深由父子被奪故也

息舟城而居之

國

息州楚邑城之堅固者

國

圍固至居之○

正義曰圍固城城之固者克息舟息舟即是其邑也以圍時有所毀故更城而居之

觀起之死

也其子從在蔡事朝吳

國

觀起死在襄二十二年朝

吳故蔡大夫聲子之子

○從如字朝如字

國

故蔡至之子○正義曰言故

蔡大夫者此時蔡滅見為楚縣吳今在蔡其父先為蔡國大夫故云故蔡大夫聲子之子也

曰今

不封蔡蔡不封矣我請試之

國

觀從以父死怨楚故

欲試作亂以蔡公之命召子于子皙

國

二子皆靈王

弟元年子干奔晉子皙奔鄭○哲星曆反及邾而告之情

國告以蔡公不知謀強與之盟入襲蔡蔡公將食見

之而逃**國**不知其故驚起辟之○強其國強與之盟丈反**國**正義曰

二子聞非蔡公之命欲還故觀從強與之盟遂入襲蔡觀從使子干食坎用牲

加書而速行**國**使子干居蔡公之牀食蔡公之食竝

偽與蔡公盟之懲驗以示眾已徇於蔡**國**已觀從也

○已音紀徇似俊反曰蔡公召二子將納之與之盟而遣之矣

將師而從之**國**詐言蔡公將以師助二子蔡人聚將

執之**國**執觀從辭曰失賊成軍而殺余何益乃釋之

國 賊謂子干子皙也言蔡公已成軍殺已不解罪朝

吳曰二三子若能死亡則如違之以待所濟**國**言若

能為靈王死亡則可違蔡公之命以待成敗如何為

于偽 反 若求安定則如與之以濟所欲**國**言與蔡公則

可得安定且違上何適而可**國**言不可違上也上謂

蔡公衆曰與之乃奉蔡公召三子而盟于鄧**國**潁川

召陵縣西南有鄧城二子子干子皙依陳蔡人以國

國 國陳蔡而依之 **國** 依陳蔡人以國。正義曰二子更無賓衆唯依倚陳蔡人耳以

國者許為復其 **國** 楚公子比 **國** 子干公子黑肱 **國** 子皙

國以此招慰之

○肱古弘反

公子棄疾

蔡公蔓成然蔡朝吳帥陳蔡不

羹許葉之師因四族之徒

四族遠氏許圍蔡有蔓

成然

○羹音郎葉始涉反

以入楚及郊陳蔡欲為名故請為武

軍

欲築壘壁以示後人為復讎之名

○壘方軌反壁本亦作辟

音壁 蔡公知之曰欲速且役病矣請藩而已乃藩為軍

藩籬也

○藩方元反註同籬也依字應作籬今作離假借也力知反

蔡公至而已

正義曰蔡公知之知陳蔡人之情也蔡公是之公子猶尚吝惜本國恥有報讎之名築壘以示後世故請

藩而 蔡公使須務牟與史狎先入因正僕人殺太子

祿及公子罷敵

須務牟史狎楚大夫蔡公之黨也

正僕太子之近官

○牟亡侯反狎皮皆反徐扶蟹反又扶移反或扶瞻反本或作禕音

同罷音皮徐甫綺反一音蒲買反

正僕人。正義曰大僕也周禮下大夫二人

公子比

為王公子黑肱為令尹次于魚陂

竟陵縣城西北

有甘魚陂

陂彼宜反

公子棄疾為司馬先除王宮使觀

從從師于乾谿而遂告之

從乾谿之師告使叛靈

土且曰先歸復所後者

剗截鼻

剗魚器反截鼻之刑

師

及訾梁而潰

靈王還至訾梁而衆散

訾子斯反註同潰戶內

反王聞羣公子之死也自投于車下曰人之愛其子

也亦如余乎侍者曰甚焉小人老而無子知擠于溝

壑與 國 擠隊也 ○擠子細反說文云排也一音 王曰

余殺人子多矣能無及此乎右尹子草曰請待于郊

以聽國人 國 聽國人之所與王曰衆怒不可犯也曰

若入於大都而乞師於諸侯王曰皆叛矣曰若亡於

諸侯以聽大國之圖君也王曰大福不再祇取辱焉

然丹乃歸于楚 國 然丹子草棄王而歸楚 ○祇 王泚

夏將欲入鄢 國 夏漢別名順流為泚順漢水南至鄢

○泚以全反夏戶雅反漢水也鄢徐 芋尹無字之子

申亥曰吾父再奸王命 國 謂斷王旌執人於章華宮

○芋于付反徐又音羽奸音于斷丁管反 王弗誅惠孰大焉君不可忍惠

不可棄吾其從王乃求王遇諸棘圍以歸棘里名

闡門也棘圍音韋孔晃云棘楚邑闡門義曰吳語云昔楚靈王

不君其臣箴諫不入其民不忍飢勞之殃三軍叛王

於乾谿王獨行屏營彷徨于山林之中三日乃見其

涓人疇王呼之曰余不食三日矣疇趨而進王枕其

股以寢於地王寐疇枕王以塊而去之王覺而無見

也乃匍匐將入于棘闡棘圍不納乃入芋尹申亥氏

焉孔晃曰棘楚邑闡門也案襄二十六年傳言吳伐

楚克棘四年傳言吳伐楚夏五月癸亥王縊于芋尹

入棘以棘為邑或是也

申亥氏國癸亥五月二十六日皆在乙卯丙辰後傳

終言之經書四月誤縊之義曰此癸亥之日實

鼓反

在乙卯丙辰之後傳先言之者因申亥求王遂言王
縊是傳終言之也既以五月統癸亥之日而乙卯丙
辰亦是五月之日雖則言有顛倒即令蒙此五月之
文也劉炫云杜此註經書四月誤案上經註云靈王
實以五月死楚人生失靈王本其始禍以赴兩註不
同以為杜非今知不然者以其生失靈王不知死在
五月遂以四月始禍言靈王之死是其錯誤之事於
文似異義實一也劉以為二文異而規杜氏非也

申亥以其二女殉而葬之觀從謂子干曰○殉似俊

本或作謂不殺棄疾雖得國猶受禍也子干曰余不

忍也子玉曰人將忍子子干曰國子玉觀從吾不忍侯也乃

行國每夜駭曰王入矣國相恐以靈王也○駭戶措

反下乙卯夜棄疾使周走而呼曰王至矣國周徧也

乙卯十八日 呼好故反 國人大驚使蔓成然走告

子于子哲曰王至矣國人殺君司馬將來矣 司馬

謂棄疾也言司馬見殺以恐于于君若早自圖也可

以無辱眾怒如水火焉不可為謀又有呼而走至者

曰眾至矣二子皆自殺 不書弑君位未定也 申志

反 丙辰棄疾即位名曰熊居葬子于于訾實訾敖 熊居

不成君無號諡者楚皆謂之敖 熊居 不成至之

郊敖與此訾敖皆不成君無號諡也元年傳云葬王

于郊謂之郊敖此云葬子于于訾實訾敖竝以地名
冠敖未知其故又世家楚之先君有若敖省
殺囚衣

之王服而流諸漢乃取而葬之以靖國人使子旗為

令尹

國子旗蔓成然

○衣於旣反旗音其

楚師還自徐

國前年

圍徐之師

國

楚師還自徐○正義曰上云師及訾梁而潰此又云楚師還自徐者上所云者

是乾谿援師此謂蕩侯等五子

伐徐師故杜云前年圍徐之師

吳人敗諸豫章獲其

五帥

國

定二年楚人伐吳師于豫章吳人見舟于豫

章而潛師于巢以軍楚師於豫章又柏舉之役吳人

舍舟于淮汭而自豫章與楚夾漢此皆當在江北淮

水南蓋後徙在江南豫章

○五帥所類反謂蕩侯潘子司馬袞囂尹午陵尹喜

五人見賢遍反汭如銳反

平王封陳蔡復遷邑

國

復九年所遷邑

國復九年所遷邑。正義曰：成十五年許遷于葉，九年傳云：遷城父人於陳，遷方城外，人於許。今復

還邑，則許還復葉方城。外與城父人各復其本。**致羣賂**始舉事時所貨賂。

音路。施舍寬民有罪，舉職。**國**舉職修廢官。音又。召觀。

從王曰：唯爾所欲。**國**觀從教子干殺棄疾，今召用之。

明在君為君之義。偽。為于。對曰：臣之先佐開卜，乃使

為卜尹。**國**佐卜人開龜兆，使枝如子躬聘于鄭，且致

犖櫟之田。**國**犖櫟本鄭邑，楚中取之。平王新立，故還

以賂鄭。直反。事畢弗致。**國**知鄭自說服，不復須賂。

故。說音悅，復扶又。鄭人請曰：聞諸道路，將命寡君。

以筆櫟敢請命對曰臣未聞命既復王問筆櫟降服

而對臣降復如今解冠也謝違命曰臣過失命未之

致也王執其手曰子母勤姑歸不穀有事其告子也

臣王善其有權有事將復使之音無臣過至致也

臣罪過漏失君命遺忘之未之致與也○正義曰言子母勤他年芋尹

申亥以王柩告乃改葬之初靈王卜曰余尚得天下

臣尚庶幾○樞其尚得天下○正義不吉投龜詬

天而呼曰是區區者而不余畀臣區區小天下○詬

作詢呼豆反徐許后反呼火故○詬余必自取之民患王

反畀必利反徐甫至反與也○詬及古閣

音遍見賢遍反下註微見同巴
必加反埋亡皆反大室音泰
謂以一壁徧見諸

神若神各一壁乃多明無不當其上
○巴姬共王
妾○正義曰知者襄十二年傳云楚司馬子庚聘于

秦為夫人寧禮也彼秦使五人齊而長入拜
從長

女是夫人明巴姬是妾
幼以次拜
○齊側皆反本又作齊
康王跨之
過其

上也
○跨苦
化反
靈王肘加焉子子皙皆遠之平王弱

抱而入再拜皆厭紐
微見壁紐以為審識
○肘中
九反遠

千萬反厭於甲反除又於輒反
紐女九反識申志反又如字
鬪韋龜屬成然焉

知其將立故託其子
○屬
音燭
且曰棄禮韋命楚其危哉

棄立長之禮違當璧之命終致靈王之亂子干歸

韓宣子問於叔向曰子干其濟乎對曰難宣子曰同

惡相求如市賈焉何難宣子謂棄疾親恃子干共

同好惡故言如市賈同利以相求賈音古好惡並如字又上呼報反

下鳥路反對曰無與同好誰與同惡言棄疾本不

下皆倣此與子干同好則亦不得同惡取國有五難有寵而無

人一也寵須賢人而固有人而無主二也雖有

賢人當須內主為應對之應有主而無謀三也謀

策謀也有謀而無民四也民衆有民而無德五也

四者既備當以德成子干在晉十三年矣晉楚之

從不聞達者可謂無人

國

晉楚之士從于干游皆非

達人族盡親叛可謂無主

國

無親族在楚無彙而動

可謂無謀

國

召于干時楚未有大釁

○釁許
斬反

為羈終

世可謂無民

國

終身羈客在晉是無民亡無愛徵可

謂無德

國

楚人無愛念之者

國

亡無愛徵。正義曰
于干之亡楚人無愛

念之徵王虐而不忌

驗也

國

靈王暴虐無所畏忌將自亡

楚君子干涉五難以弑舊君誰能濟之

國

言楚借君

于干以弑靈王終無能成有楚國者其棄疾乎君陳

蔡城外屬焉

國

城方城也時穿封成既死棄疾并領

陳事苛慝不作盜賊伏隱私欲不違國不以私欲違

民事○苛音何本或作荷音同下同慝他得反民無怨心先神命之國先

神謂羣望先神命之○正義曰楚國既封即有三望三望起於先代故曰先神國民

信之芊姓有亂必季實立楚之常也獲神一也國當

璧拜○芊彌爾反有民二也國民信之令德三也國無苛

慝寵貴四也國貴妃子居常五也國棄疾季有五利

以去五難誰能害之子干之官則右尹也數其貴寵

則庶子也以神所命則又遠之其貴亡矣國位不尊

○去起呂反數所主反遠如萬反亡矣音無又如字其寵棄矣國父既沒故國

其貴至棄矣。正義曰：亡無也。其貴位則無矣。其寵愛之者又棄矣。然則父死棄疾，寵亦棄，獨言于干者，以于干母賤，唯恃父寵。寵又棄矣，則無恃託，故專屬于干。民無懷焉。非令德國

無與焉。無內主，將何以立。宣子曰：齊桓晉文不亦

是乎。皆庶賤對曰：齊桓衛姬之子也，有寵於僖。

衛姬，齊桓公妾。有鮑叔牙賓須無隰朋以為輔佐，有

莒衛以為外主。齊桓出奔莒，衛有舅氏之助，有國

高以為內主。國民高氏齊上卿。正義曰：僖十二

年傳：管仲云：有天子之二守國，高在是也。從善如流。言其疾也。下善齊

肅。齊嚴也。肅敬也。下遐，嫁反。齊不藏賄。清也。

○賄乎 不從欲 **國** 儉也 ○從子 施舍不倦 **國** 施舍猶

言布恩德求善不厭是以有國不亦宜乎我先君文

公狐季姬之子也有寵於獻好學而不貳 **國** 言篤志

○厭於豔反 好呼報反 生十七年有士五人 **國** 狐偃趙衰顛頡

魏武子司空季子五士從出 ○衰初危反頡戶 有先

大夫子餘子犯以為腹心 **國** 子餘趙衰子犯狐偃有

魏犇賈佗以為股肱 **國** 魏犇魏武子也稱五人而說

四士賈佗又不在本數蓋叔向所賢 ○佗徒 **國** 魏

所賢 ○正義曰上言五人直舉其數下說四士獨據 有賢也五人內不數賈佗者佗以公族從文公不在

五人之數也蓋叔向言之意所將為賢即言之有齊宋秦楚以為外主

妻以女宋贈以馬楚王享之秦伯納之○妻七計反有樂

卻狐先以為內主謂樂枝卻穀狐突先軫也曾官

反卻大逆反亡十九年守志彌篤惠懷棄民惠公

懷公不恤民也民從而與之獻無與親民無與望

獻公之子九人唯文公在天方相晉將何以代文此

二君者與於子干共有寵子國有與主謂棄疾也

○相息亮反下同國有與主○正義曰室內西南

共音恭與鳥報反隅謂之與與是內之義與主國內之主故謂棄疾也無施於民無援於外去晉而不送歸楚而

不逆何以冀國

國

傳言子干所以蒙弑君之名棄疾

所以得國

○施式
鼓反

○晉成虎祁

國

在八年

○虎
音斯諸侯

朝而歸者皆有貳心

國

賤其奢也為取鄭故

國

取鄭

在十年

○為于偽反
鄭亡杏反

晉將以諸侯來討叔向曰諸侯

不可以不示威

國

知晉德薄欲以威服之乃竝徵會

告于吳秋晉侯會吳子于良

國

下邳有良城縣

○邳
皮悲

反水道不可吳子辭乃還

國

辭不會

國

水道不可○正義曰吳地

水行故謂水道不可謂水路不通

吳子既辭晉侯乃還向平丘之會

邾南甲車四千乘

國

三十萬人

○乘繩證反
下及註皆同

羊舌鮒

攝司馬

鮒叔向弟也攝兼官也

音附遂合諸侯于

平丘子產子大叔相鄭伯以會子產以幄幕九張行

幄幕軍旅之帳

幄於角反幕音莫四合象宮室曰幄在上曰幕

幄幕九張

正義曰周禮幕人掌帷幕幄帟綬之事鄭玄云王出宮則有是事在旁曰帷在上曰幕皆以布為之四合象宮室曰幄王所居之帳也帟王在幕若幄中坐上承塵幄帟皆以繪為之凡四物者以綬連繫焉然則幕與幄異幕大而幄小幄在幕下張之幄幕九張蓋九幄九幕也

而悔之每舍損焉及會亦如之亦九張也傳言子產之適宜大叔之從善次于衛地叔鮒求貨於衛淫

芻蕘者

欲使衛患之而致貨

芻初俱反說文云割草也蕘如遙反飼

牲曰芻草

薪曰蕘

芻蕘。正義曰周禮充人掌繫祭祀之牲牲牲祀五帝則繫于牢芻之三月說文云蕘薪也從艸然則芻者飼牛馬之草也蕘者共燃火之草也

衛人使屠伯饋叔向

羹與一篋錦

屠伯衛大夫

屠音徒饋其位反篋若協反

曰諸侯

事晉未敢攜貳况衛在君之字下

屋宇之下喻近

也而敢有異志芻蕘者異於他日敢請之

請止之

叔向受羹反錦

受羹亦不逆其意且非貨曰晉有

羊舌鮒者瀆貨無厭

瀆數也

瀆徒木反厭於鹽反數音朔

亦將

及矣

將及禍為此役也

役事也

為如字

此為

役。正義曰言叔鮒為此淫芻蕘之事也

子若以君命賜之其已客從之

未退而禁之

註

禁芻蕘者晉人將尋盟齊人不可

註

有貳心故晉侯使叔向告劉獻公

註

獻公王卿士劉

子曰抑齊人不盟者之何對曰盟以底信

註

底致也

○底音旨

君苟有信諸侯不貳何患焉告之以文辭董之

以武師雖齊不許君庸多矣

註

董督也庸功也討之

有辭故功多也

註

董督至多也。正義曰釋詁云董督正也是董為督也又云庸勞勞

亦功也討之有辭則前敵易克故功多也

天子之老請帥王賦元戎十乘

以先啓行

註

天子大夫稱老元戎戎車在前者啓開

也行道也

註

天子之老。正義曰上註云獻公王卿士此註云天子大夫稱老者是大夫

之總名詩云方叔元老毛傳云方叔卿士命而為將是卿士稱老也曲禮云五官之長曰伯自稱於諸侯曰天子之老彼謂三公也如彼文則三公乃得稱天子之老卿亦得稱老者彼說三公之事言三公之自稱耳不言卿之自稱不得同三公也曲禮又云諸侯使人於諸侯使者曰寡君之老諸侯之使尚得稱老明知天子之卿得稱天子之老也。元戎至啓行。○正義曰詩小雅六月之篇也元大也大戎戎車之大在軍前者也啓開行道常訓耳

遲速唯君

國 欲佐晉討齊叔向告子

齊曰諸侯求盟已在此矣今君弗利寡君以為請對

曰諸侯討貳則有尋盟若皆用命何盟之尋 **國** 託用

命以拒晉叔向曰國家之敗有事而無業事則不經

國 業貢賦之業有業而無禮經則不序 **國** 須禮而有

次序有禮而無威序則不共禮須威嚴而後共有

威而不昭共則不明威須昭告神明而後信義著

不明棄共百事不務信義不明則棄

威不威棄禮無禮無經無經無業故百事不成覆芳服

反是故明王之制使諸侯歲聘以志業志識也歲

聘以脩其職業間朝以講禮三年而一朝正班爵

之義率長幼之序間間廁之間長丁丈反再朝而會以示威再

六年而一會以訓上下之則制財用之節再會而盟

以顯昭明十二年而一盟所以昭信義也凡八聘

四朝再會王一巡守盟于方嶽之下

○守手又反嶽音岳

志業

於好

國聘也

○好呼報反下註同好同

講禮於等

國

朝也示威於

衆

國

會也昭明於神

國

盟也自古以來未知或失也

存亡之道恆由是興晉禮主盟

國

依先王先公舊禮

主諸侯盟懼有不治奉承齊犧

國

齊盟之犧牲

○治直吏

反舊如字犧許宜反

而布諸君求終事也

國

終竟也君曰余必

廢之何齊之有唯君圖之寡君聞命矣齊人懼對曰

小國言之大國制之敢不聽從既聞命矣敬共以往

遲速唯君叔向曰諸侯有間矣

國

間隙也

國

叔向至命矣○

正義曰叔向此言論聘朝會盟四事意在言盟并說
會朝聘爲次序再國家之所以敗也有交好之事而
無貢賦之業交好之事不得常矣有貢賦之常而無
上下之禮事雖有常則不次序矣有上下之禮而無
可畏之威雖有次序則不共敬矣有可畏之威而不
昭告神明雖爲共敬則不明著矣信義不明棄共敬
也承事不共敬棄次序也班位不序棄常度也徵命
不常棄事宜也事旣棄矣則百事不終國家所由傾
覆只爲此也聖人知其不可是故明王之制使諸侯
每歲令大夫一聘天子以志識貢賦之業間一歲諸
侯親自入朝以講習上下之禮天子於諸侯再朝而
一大會以示可畏之威再會而一爲盟誓以顯諸侯
之昭明者也志識貢賦之業在於交好故使聘也講
習上下之禮在於等差故使朝也示可畏之威在於
衆聚故爲會也昭明德之信在於告神故爲盟也自
古以來遵行此法未之有失也國家存亡之道恆由
是興爲之則存廢之則亡存亡起於此也今晉以先
王之禮主諸侯之盟懼諸侯之事有不治禮者奉承

齊盟所用之犧牲以來至此而布諸齊君求終竟盟約之事也君言曰令余必廢之何齊盟之有必如此語唯君自圖謀之寡君聞君之命矣言晉知齊必背盟卽欲與之戰。業貢賦之業。正義曰下句覆述此事云歲聘以志業每年聘者所以共貢賦耳知此業者是貢賦之業也下文云志業於好說聘事而謂之好則好謂交好諸侯天子雖尊卑不同亦是交好然則有事者謂有交好之事也不經者經訓常也謂交好不常也或聘不以時或貢賦不充是不常也。威須至義著。正義曰昭亦明也昭爲昭告神祇明謂信義明著言會雖示威威猶未著必須昭告神明以要束其心而後天子信義始得明著於天下矣。信義至不成。正義曰杜以信義不明威無可畏則是棄威也不畏威則禮不行是棄禮也無禮則無經無經則無業故百事所以不成劉炫以此傳西文皆緣上事而致下事其上則事業禮威所致則經序共明傳旣言不明棄共自然當云不共棄序不序棄經不經棄事今杜云不明則棄威不威棄禮無

禮無經無經無業以杜違背傳文而規杜失今知劉
義非者杜以不明棄共不共棄序不序棄經不經棄
事自是傳文分明但傳云百事不終明知非徒棄共
棄序其威禮亦棄也杜與傳共為表裏非是違傳劉
不解杜意妄為規過謬矣。○國志識至職業。○正義
曰志是記識故為識也。○國志使於天子所以獻其貢
賦令諸國各自記其職貢自修其職業也。○國志三年
至之序。○正義曰間朝。○國志聘為言也。○國志既云歲聘因
從聘歲為始更間一年乃朝故知間朝是三年而一
朝也朝以正班爵之義。○國志長幼之序與下註會以訓
上下之則制財用之節皆莊二十三年傳文也。○國志
十二至之下。○正義曰顯昭明三字皆為明也。○國志
年而為一盟者大明黜陟之法諸侯之有明德者表
顯升進之於此盟以光顯諸侯有昭明之德者告誓
神明所以昭明王之信義以示黜陟必有信也。○國志
十二年間凡八聘四朝再會一盟方嶽之下也。○國志
尚書周官曰六年五服一朝又六年王乃時巡考制度于
四岳諸侯各朝于方岳大明黜陟如彼文六年五服

諸侯一時朝王卽此再朝而會是也此傳之文與尚書正合杜言巡守盟于方嶽閭與彼義符同明此是周典之舊法也而周禮之文不載此法大行人云侯服歲壹見其貢祀物甸服二歲壹見其貢嬪物男服三歲壹見其貢器物采服四歲壹見其貢服物衛服五歲壹見其貢材物要服六歲壹見其貢貨物先儒說周禮者皆以彼爲六服諸侯各以服數來朝與此傳文無由得合先達通儒未有解者古書亡滅不可備知然則尚書周官是成王號令之辭尚書之言定是正法左傳復與彼合言必不虛周禮又是明文不得不信蓋周公成王之時卽自有此二法也又周禮每歲一見唯言貢物何必見者卽是親朝各計道路長短或當遣使貢耳先儒謂彼爲朝未有明據大行人又云十有二歲王巡守殷國巡守之歲周禮同於尚書六年一朝尚書何必遵禮又大宗伯云時見曰會殷見曰同鄭玄以爲時見無常期也諸侯有不順服者王將有征討之事合諸侯而命事焉十二歲王如不巡守則六服盡朝謂之殷見鄭以時見無常期

者出自鄭之意耳非有明文可據也殷見是此再會而盟時見當此再朝而會未必既如鄭說時見爲無常期也蓋此傳及尚書是正禮也大行人歲一見者是遣使貢物非親朝也今此上聘朝會雖以爲諸侯於天子之禮然諸侯相朝亦當然也故云志業於好講禮於等示威於衆其昭明於神雖天子於諸侯之禮然王官之伯及霸王亦得於諸侯爲盟故晉爲盟主以此告齊令齊受盟也必知此朝聘文兼諸侯者以釋例引明王之制入聘四朝云文襄之制因而簡之三歲而聘五歲而朝以諸侯爲文明歲聘間朝兼諸侯相朝也知盟年朝會俱行者以傳云再朝而會云云故知盟年朝會不廢也又云歲聘以志業不言再聘以行朝故知朝年不行聘禮但以朝聘君臣不等盟會敵禮用當故朝年不行聘盟年得有朝會知有盟者傳云同盟至故也。小國言之。正義曰申上不用尋盟之意也其意是小國言之不可則大國制之也大國謂其須盟言已不敢違也

不可以不示衆八月辛未治兵

習戰建而不旆 **建立旌旗不曳其旆旆游也** 旆。

步具 **建立至游也**。正義曰釋天云緇廣充幅

反 **長尋曰旆繼旄** 旄曰旆郭璞曰帛續旄未為燕

尾者然則旆謂旂身旆謂旂尾旆綴於旄本是相連

之物非別體也而不曳其旆當纏繼於干頭蓋如禮

記所云德車結旌也釋天又云練旒九周禮所謂九

游七游游卽是旆故云旆游也然郭氏旣云旆繼於

旄今之燕尾卽旆是旄未然天子十有二游并屬於

一幅之廣於理不可蓋游數多者旁綴於繆如今之

旗是也其軍前之 **壬申復旆之諸侯畏之** 軍將戰

旆如郭璞之說 **復扶又反恐** 軍將至恐

則旆故曳旆以恐之 **丘勇反下竝同** 之。正義曰

本作旆者為舒而曳之以為容飾結之為非常曳之

為得常復旆之者曳之為復常也軍法戰則舒旆晉

人舒旆似其將戰故曳旆以恐 **邾人莒人愬于晉曰**

之諸侯見其曳旆而皆畏之

魯朝夕伐我幾亡矣

自昭公即位邾魯同好又不

朝夕伐莒無故怨愬晉人信之所謂讒慝弘多

○愬音素

朝夕如字註

○

自昭至伐莒○正義曰三年傳穆

同幾音祈

○

子云曹滕二邾實不忘我好又無相

伐之事是昭公即位邾魯同好也不朝夕伐

莒者案元年十年再伐莒耳是不朝夕伐也

我之不

共魯故之以

○

不共晉貢以魯故也

○共音恭註及下註同

晉

侯不見公使叔向來辭曰諸侯將以甲戌盟寡君知

不得事君矣請君無勤

○

託謙辭以絕魯子服惠伯

對曰君信蠻夷之訴

○

蠻夷訴邾莒以絕兄弟之國

棄周公之後亦惟君寡君聞命矣叔向曰寡君有甲

車四千乘在雖以無道行之必可畏也况其率道其

何敵之有牛雖瘠償於豚上其畏不死償什也瘠

在亦反償方問反什音付一音蒲上反 **國** 償什也。正義曰前覆曰什言牛倒豚上豚必死也言

牛雖瘠者謂魯以音為無德輕之故以瘦牛自喻 南蒯子仲之憂其庸可棄

乎 **國** 棄猶忘也 若奉晉之衆用諸侯之師因邾莒杞

鄆之怒 **國** 四國近魯數以小事相忿鄆已滅其民猶

存故并以恐魯 ○鄆才陵反近附 以討魯罪問其二

憂 **國** 因南蒯子仲二憂為間隙何求而弗克魯人懼

聽命 **國** 不敢與盟 ○與音預下 甲戌同盟于平丘齊

文不與同

服也

國

經所以稱同令諸侯日中造于除

國

除地為

壇盟會處

○造七報反壇本或作壇音善處昌慮反

癸酉退朝

國

先盟朝

晉薦反

子產命外僕速張於除

國

張幄幕子大叔

止之使待明日及夕子產聞其未張也使速往乃無

所張矣

國

地已滿也傳言子產每事敏於大叔及盟

子產爭承

國

承貢賦之次

國

承貢賦之次。正義曰承者奉上之語後承

前下承上故以承為次爭貢賦之次言所出貢賦多少之次當承何國之下故言爭承也鄭眾云爭所為

承次貢賦之輕

曰答天子班貢輕重以列

國

列位也列尊貢

重周之制也

國

公侯地廣故所貢者多

國

公侯至者多。正

義曰周禮大司徒云公地方五百里其食者半侯地方四百里伯地方三百里其食者三之一子地方二百里男地方百里其食者四之一鄭康成註云食者必足其國禮俗喪紀祭祀之用乃貢其餘上公之地以一易侯伯之地以再易子男之地以三易是上公優饒其半以為荒萊之地侯伯優饒其三分之一子男優饒其四分之三是大國優饒少而出貢多小國優饒多而出貢少假令大國小國其地美惡一種則地多者貢多地少者貢少故杜

卑而貢重者甸服也

云公侯地廣所貢者多是也

甸

甸服謂天子畿內共職貢者

甸

甸服至貢者○正義曰禹貢云五

百里甸服孔安國云規方千里之內謂之甸服為天子服治田去王城面五百里王制云千里之內曰甸鄭玄云服治田出穀稅是甸服謂天子畿內也畿內於京師路近令其共正職貢故貢重也言卑而貢重者畿內有公卿大夫之采邑公八命卿六命大夫四命其列位卑於畿外公侯伯子男也周禮小司徒鄭

註云井田之法備於一同今止於都者采地食者皆
四之一其制三等百里之國凡四都一都之田稅入
於王五十里之國凡四縣一縣之田稅入於王二十
五里之國凡四甸一甸之田稅入於王食采者卑與
尊同故云卑而貢重也畿外鄭伯男也而使從公侯
之國則卑者貢輕尊者貢重

之貢

言鄭國在甸服外爵列伯子男不應出公侯

之貢

言鄭至之貢

正義曰鄭伯男也舊自多說鄭眾服虔云鄭伯爵在男服也周禮男服

在三距王城千五百里鄭去京師不容此數賈逵云男當作南謂南面之君也子產爭國小貢重輒言鄭伯為南面之君復何所益南面君者豈貢得輕乎鄭志云男謂子男也周之舊俗雖為侯伯皆食子男之地鄭之此言不知所出鄭食子男之地不知復在何時武公既遷東鄭并十邑為國不得食子男之地若西鄭之時食子男之地則今為大國自當貢重子產不得遠言上世國小以距今之貢重晉之朝士焉有

受屈而自日中以爭至于昏乎原此諸說悉皆不通
 周語云鄭伯男也王而卑之是不尊貴也王肅至此
 與彼皆云鄭伯爵而連男言之猶言曰公侯足句辭
 也杜州王說言鄭國在甸服之外其爵列于伯子男
 言已爵卑國小不應出公侯之貢也今使從公侯之
 貢懼弗給也諸侯地有五等命有三等伯居五等之
 中與侯同受七命據地小大分爲二等則侯同於公
 伯同子男僖九年在喪之例云公侯曰子言不及伯
 是不得同於侯也僖二十九年大夫會國君之例云
 在禮卿不會公侯會伯子男可也是伯國下同子男
 也子產自言其君爵卑下引懼弗給也敢以爲請諸
 子男爲例故云鄭伯男也

侯靖兵好以爲事

國

靖息也

國

好呼

行理之命

國

行

理使人通聘問者

國 使所

無月不至貢之無藝

國

藝

法制

國

行理至不至○正義曰言晉國使人來責貢
 賦之命無月不至於鄭每月皆來也○

國

藝

法制○正義曰服虔云藝極也一曰常也二者並非
正訓杜以藝為經藝故為法制也貢有法制定數徵
求無限則不可共也小國有闕所以得罪也諸侯修盟存小國

也貢獻無極亡可待也存亡之制將在今矣自日中

以爭至于昏晉人許之既盟于大叔咎之曰諸侯若

討其可瀆乎瀆易也○咎其九反易以豉反貢獻無極○

限極無極謂無已時○諸侯至瀆乎○正義曰極謂
曰言諸侯若來討鄭其可不由于輕易晉乎子產曰

晉政多門政不出一家貳偷之不暇何暇討貳

不壹偷苟且貳偷至暇討○正義曰政出多門則
其情不一情既不一則各懷苟且各

自苟且免於目前無人為國遠慮也為此國不競亦
二心為此苟且不有閒暇何暇來討鄭乎

陵何國之為國不競爭則為人所侵陵不成為國爭

爭鬪之爭公不與盟國信邾莒之訴欲討魯故晉人

執季孫意如以幕蒙之國蒙裏也音果使狄人守之

司鐸射國魯大夫亦反又食夜反國使狄人守之

北狄之人從晉師來會故使狄人守懷錦奉壺飲冰

以蒲伏焉守者御之乃與之錦而入國蒲伏竊往飲

季孫冰箭筈蓋可以取飲同奉芳勇反蒲本又作匍

扶伏木又作匍同蒲北反又音服守手又反國蒲

又如字御魚呂反飲於鳩反筈音童又音勇國伏至
取飲○正義曰蒲伏即匍匐也說文匍手行也匍伏
地也詩陳后稷之初生云誕實匍匐令司鐸射竊往

飲季孫之所似小兒伏地而手行冰是箭筈之蓋相傳為然本作此器以蓋箭筈脫而用之可以取飲此以壺盛飲用此冰以飲之

晉人以平子歸子服湫從

湫子服惠

伯從至晉

○湫子小反孫音椒又子鳥反案子服湫又作子服椒止一人耳從才用反註同

子產歸未至聞子皮卒哭且曰吾已

已猶決竟無

為為善矣唯夫子知我

言子皮知已之善

無為為善

矣○正義曰子產言我此日行善唯子皮知之今子皮既卒無人知我之善故云無為更須為善矣

仲

尼謂子產於是行也足以為國基矣詩曰樂只君子

邦家之基

詩小雅言樂只君子為治乃國家之基

○本治直吏反

子產君子之求樂者也且曰合諸侯藝貢事

禮也

國 嫌爭競不順故以禮明之

疏

詩曰至禮也。正義曰此詩小

雅南山有臺之篇詩云樂只君子以其能為邦家之基也。天子產是君子之人所求樂者也。仲尼且復言曰盟主會合諸侯限藝貢賦之事使貢賦有常是為禮也。盟主制定貢賦是為得禮則子產爭之不為有失嫌爭競無禮。故以禮明之。○鮮虞人聞晉師之悉起也。五年

傳曰遺守四千今甲車四千乘故為悉起而不警邊

且不修備

國

言夷狄無謀

○警

晉荀吳自著雍以上

中山望都縣西北有中

軍侵鮮虞及中人驅衝競

國

中人望都縣西北有中

人城驅衝車與狄爭逐

國

晉荀至鮮虞。正義曰上人云悉起得有上軍在者晉

侯從平丘會還行至著雍聞鮮虞不警遂使荀吳侵之非從本國而去故云自著雍以上軍侵鮮虞也

大獲而歸國為十五年晉伐鮮虞起○楚之滅蔡也

靈王遷許胡沈遺房申於荆焉平王即位既封陳蔡

而皆復之禮也國滅蔡在十一年許胡沈小國也道

房申皆故諸侯楚滅以為邑荆荆山也傳言平王得

安民之禮汝南有吳防縣即防國國得安民之禮

遷動而云安者以狐死首丘人生戀舊往彼靈王偏

徙元情悉眷故居平王今復從其所欲民心獲安故

云得安民國隱大子之子廬歸于蔡禮也國隱大子大

子有也廬蔡平侯悼大子之子吳歸于陳禮也國悼

大子偃師也吳陳惠公○冬十月葬蔡靈公禮也國

國復成禮以葬也此陳蔡事傳皆言禮嫌楚所封不

得比諸侯故明之○公如晉荀吳謂韓宣子曰諸侯

相朝講舊好也執其卿而朝其君有不好焉不如辭

之乃使士景伯辭公子河景伯士文伯之子彌牟

也○舊好呼報反○吳滅州來令尹子期請伐吳王弗許曰

吾未撫民人未享鬼神未修守備未定國家而用民

力敗不可悔州來在吳猶在楚也子姑待之傳言

平王所以能有國○守手又反○季孫猶在晉子服惠伯

私於中行穆子私與之語曰魯事晉何以不如夷

之小國魯兄弟也土地猶大所命能具若為夷棄之

使事齊楚其何瘳於晉

瘳差也

○為于偽反下為夷將為同瘳勅留

反差初親親與大賞共罰否所以為盟主也子其圖

之諺曰臣一主二國言一臣必有二主道不合得去

事他國

○諺音彥

吾豈無大國

國

言非獨晉可事穆子告

韓宣子且曰楚滅陳蔡不能救而為夷執親將焉用

之乃歸季孫惠伯曰寡君未知其罪合諸侯而執其

老

國老尊鄉稱

○焉於虔反稱尺證反

若猶有罪死命可也

國

死晉命也若曰無罪而惠免之諸侯不聞是逃命也

何免之為請從君惠於會國欲得盟會見遣不欲私

去宣子患之謂叔向曰子能歸季孫乎對曰不能鮒

也能國鮒叔魚乃使叔魚叔魚見季孫曰昔鮒也得

罪於晉君自歸於魯君國蓋襄二十一年坐叔虎與

欒氏黨并得罪國坐才國微武子之賜不至於今國武

子季平子祖父雖獲歸骨於晉猶子則肉之敢不盡

情歸子而不歸鮒也聞諸吏將為子除館於西河國

西使近河國近附國其若之何且泣國泣以信其言平

子懼先歸惠伯待禮國待見遣之禮

宋史

卷一百一十九

史記

諸暨圖書館
ZHUJI LIBRARY

和

卷之

古

春秋左傳註疏卷第四十六終

諸暨圖書館
ZHUJI LIBRARY



諸暨圖書館
— ZHUJI LIBRARY —



諸暨圖書館
— ZHUJI LIBRARY —